



戴表元詩

表元字帥初一字曾伯奉化人七歲學古詩文  
多奇語稍長從里師習詞賦輒棄不肯為咸  
淳中入大學升舍登張鎮孫榜進士教授建  
寧後遷臨安教授行戶部掌故不就大德八年  
執政薦起家拜信州教授再教授婺州以疾  
辭初表元閔宗季文章姜蕭翫慨然以振  
起斯文為己任時王應麟舒岳祥並以文學師  
表一代表元皆從受業焉至元大德間東南以  
文章大家名者惟表元而已其門人最知名



者曰袁桶表元晚年翰林集賢以修撰博士二  
職論薦不起有剡源集行于世

剡源戴先生詩集目錄卷上

五言古

大名元復初郎中携示感遇詩次韻

東陽方韶卿惠古意七篇次韻因寄訊吳子善

前輩

韓君美經歷賦孟夏草木長五詩示僕因寫鄙

懷通呈阮使君、美時與諸公講易

以羔裘如濡洵直且候韻為八詩送夾谷子括

赴明州推官

送袁季源之婺州因東范經歷

次韻答朱侯招遊海山

題陳高山所藏冬青枝上白頭翁畫

以空飛本無迹韻為五詩注扣廣微張公

浴蚕沙溪水為上饒陳烈婦作書歎七首

觀村中禱雨三首

山中玩物雜言十首

自居剡源少遇樂歲辛巳之秋可擬上熟乃和

淵明貧士七首與鄰人歌而樂之

丁氏厚德堂

鄰友陳養直請賦山心樓

刈園詩為竺秀才

送陳養晦赴松陽較官

謝陳君祥憲使時郡家以余充歲貢陳侯頗憐

之令無行

和淵明詩韻有序

君莫誇少年一首贈余光遠

老樹

伯牧東岡麥

邀陳氏子飯歸似銅山珣老

送鄉友林耕道往信州因寄李明通

廉頂山朝暉軒為東玉師賦

秋蟲歎

春日城南聞禽鳥聲喧甚為賦二十二韻

林貴父投老謁銓有贈

陳晦父赴銓十三韻

次韻答鹽官傅秀才

舟中望紫岩

次韻答二表

信府同知黃侯名其讀書之室曰廣居  
八月十六日張園玩月得一字

朱使君家諸郎將別十一韻

掩篋

感物二首

閔風舒先生客居棠溪表重素家見示竹簾詩  
戲作問答二首

送官歸作

九日在邇索居無聊取滿城風雨近重陽為韻  
賦七詩以自遣

班溪

宿福海寺



六月十三日壽陳子徽大博十首以無官一身  
輕有子萬事足為韻

陳茂陽書監赴史氏塾

春風

八月十五夜雨中微有月色

九日與兒輩遊中溪

古詩十五韻送胡天放西遊

傍家東北有山曰紹地余幸得之規以為素莊

也

饑旱

余居之西偏有小室名畱菴詩以識之

鄰峯

次和焦治中雲洞紀十四韻

南岩留宿分韻落字

丙午二月十五日以府檄出宿了岩

七言古

聽琴行贈沈秀才

看花曲

建溪精舍得本字

夜寒行

騎馬行答贈吳中張子潛鄉貢  
自信上歸遊石門訪故人毛儀卿鎮卿兄弟作  
長句贈之丙午冬

昨日行

招子昂飲歌

雁南飛

剡民饑

余光遠父子歸馬畧兼託問訊渚故舊

採藤行

杖錫虎

少年行贈表養直

義蜂行

雪後况湖歌為阮使君作

山茗行

啄木行贈淨珥上人

又坐隱辭

賦意未暢復拾前韻之餘者作廣坐隱詞  
行婦怨次李編較韻

飛花行贈馬衡州

織錦迴文作

石湖范至能嘗作姑惡詞以為婦怨非天下之  
婦者所願聞故作續姑惡詞以廣之

余博士家猫相乳歌

贈天台潘山人獬秋崖

題范文正公黃素小楷昌黎伯夷頌

送程敬所教諭赴建平

題陳貴白畬齋

余既題畬齋有聞紙田之說而笑者後作長篇

剡箋送任村實

次韻和郭祐之雙橘堂趙母壽詩

醉歌贈袁茂材

題范道士來鶴亭

題李伯時西五馬圖

孫使君飛蓬亭歌

題峴山圖

登新嶺

歲晚次韻答李在明東門行二首

江行襍書

吳姬曲五首

達觀亭歌為建康徐氏作



春愁曲次劉正仲韻

正仲復有倒和春愁曲之作依次奉答  
題趙子昂畫馬

南山下行

相逢行贈文伯純同年

壽陳貴白

春溪惡寄孫常州

碧桃花歌為王丞作

王丞分惠碧桃對再賦奉謝

贈趙子實

積雨小霽喜袁太初舒耕恭西生至

謝李仲賓墨竹

題王敬仲野亭

贈彈琴衡山蕭道士

送葉伯幾赴奉化縣

仇山圖為仇近仁作

赤泥嶺行

剡源戴先生詩集目錄卷下

五言律

三次韻寄戴祖禹

茗溪

道桐川欲訪梅右司不知其處

故總幹潘伯可從大挽詞二首

和鄧善之秋興二首

渡長泖投小蒸邵教授宿

客遊

自宣州至湖州風雪中十日始達

十二月二十三日華亭小泊

次韻荅應德茂雪後遠寄

贈上饒道雲仲

送鄉同舍黃君賞謁陳提學

六月朔日舟會再次韻與胡氏謙避暑

次韻蔚上人見寄

道衡書記求詩

次韻蔚講師新春之贈

史昭甫招陳宗魯之長興

風雨行湖山村

詠蚕

扣坑

證道寺

喜王丞病較

丁亥歲除前二日書事

寄雪竇同長老嘗許西蘭不至

鄞城火後見光遠

客言劉樗翁事

蔣老仁監簿挽詞

四十



夜坐

晦亭

孫常州挽詩

嚴提舉挽詩

靈雨溪漲抵郭可畏

夷齊

贈針醫范秀才

題登袋寺，出茶筍甚佳獨無杜鵑

偶得巾樣問老匠云正古漉酒巾也

又作散愁

舊里火後多有築宅者太平客戶也

食淡

寄謝王侍御

久客且歸留別郭于昭

憲掾

趙壽父遊杭

隣友疫

老態

頓寒懷卑祥卿教諭

蘇伯清席中領張仲賓所寄二詩兼聞陳無逸

已從湘南官滿歸養喜而有答仍次來韻  
次韻蘇教諭立春書事

讀閨風題林隱詩追和贈汪秀才

送謝教諭

蝗來

丁丑初歲歸鄞城

夜坐示友

宿永固寺

孫太監挽詩二首

風雨遊大小蒲

方處士挽詩二首

宿趙崧丞家

社日城南山作

梅山

趙君理約同途不至

送濩溪汪和仲住象山見周使君兄弟

聞應德茂先離堂溪有作

交秋不雨

曉行

同諸子行上畝山

晚投韓采岩

下郝長塘小憇示陳養晦  
此地

送徐生仁榮侍親遊山

簡元王剛併寄意王理得君玉

紫溪鄔義翁挽詩

題陳秀才溪山佳趣

東離湖州泊南潯

次韻答寄閩風舒先生

送陳養晦教諭之象山

趙孟熏修職挽詩

送羅學正赴歙

杜子問赴建康南斬祠長

已亥歲歸過泉口紫芝山傷謹講師

三山鄭君挽詩

送穹上人還里

褚叔豪赴山陰和靖祠長

逢翁舜咨

舟過嚴州

招王奕世



再招奕世

山中

七月初五夜養正堂示諸友

袁提幹挽詩二首

單漕貢君範挽詩

久客廉頂豕張景山寄詩次韻奉答

七言律

乙亥歲毘陵道中

丙子除夜

杭城風雨中東趙子昂

東湖第三溪上皆史氏故第

史亭父挽詩

吳允文參議同登金陵

鳳凰臺醉作

越城待旦

林村寒食

寄天台舒閣風先生

火後

過應浩然先生墓

劉正仲至寶山不值主人而去次韻奉寄

遊陽明一洞天呈王理得諸君  
送旨上人西湖并寄鄧善之

辛卯

拜袁越公墓因遊定水寺有懷源老  
陪阮使君遊玉几

雪竇飛雪亭和孫使君

邑中滯雨示陳貴白

十月朔旦寄貴白兄弟

次韻任起潛謀隱之作

晚秋遊中溪四首

春夜喜陳汝海見過

鄉君子肯堂董君分教貴溪作詩奉寄

次韻答陳叔高

次韻寄陳達觀少府兼簡叔高

過清涼寺王參預墓下

送僧無等遊華亭

送陳彥恂北上兼李奇卿學士

於杭州九月送袁太初赴寧海教官

次韻王監簿春前對雪之作

陳舛壹秀才問詩於余次韻贈之

次韻答胡山甫兼簡汪日賓二首

寄袁李厚

挽舒君實

感事

夢覺

黎州山下有坡曰響地平

寄趙子昂濟南

陳無逸張仲實皆授徒城中相望遣悶小詩注

問

蔚師見示方使君唱酬詩次韻

次韻如晦木犀因寄其從父姓之老同舍

徐都目之官奉化

次韻和蔚師鑑師春懷

次韻王景陽寄軒

白岩山

送柯以善自杭遊鄂

讀福建廉訪輔大使弼字正匡遺事

客京口

金陵贈友

湖山村

己卯歲初葺剡居

耕桑

秋盡

王丞自鄞城歸又許入剡

壬午清明

寒食

無題

奉題孫使君池館

家西十里外芋洋小山中土塚累然初不封樹

鄉先生舒文靖公墓也

戊子歲晚贈應德茂

寶山寺寒食次韻和閩翁

戊子清明前陪王丞度新嶺

同陳養晦兵後過邑

送人遊霞嶼

己丑正月六日袁季源家遭燬次韻書悶

正仲今年鄞城之約不就亦次韻慰悅之

送于知州

壬午六月八日書懷

杖錫寺



四明山中逢晴

魏文節公墓

辛亥歲七夕醉陪諸公登西湖竹閣

蔡巖食藕

辛巳歲六月三日書事

耕休

畬齋次韻

保福寺

張景忠學正之平江

鮮于伯幾家釣臺石

辛丑歲十一月二十六日東歸舟中示三子

歸自西關有作簡余、率公鈔使

貴溪董教諭回里

陳無逸教諭赴攸州

周東鄉載酒水溪上因遊岳祠醉作

次韻東魯省遊石龜山

寄趙子昂

亡友內翰趙公晦叔哀詞

次韻荅貴白

清華堂

陸君采都目入閩

亞尹黃侯慮囚漫處婺三州

簡湯及翁

舒子俊見過

以家事付諸兒惟不得姑蘓陸氏女子消息

江海

兵後復還白岩山所舍作

鄞塘田家

江村遇九日

再寄曹居士

兵後見三江口木芙蓉盛開

游西峯

鮎鯿唐鄉貢丈置酒悟空寺見款

調貴白

五言排律

排律十七韻贈阮候伯子

五言絕句

班婕妤題扇圖

六言絕句

子昂秋林行客圖

五雜俎

七言絕句

張騫乘槎圖

呂氏六桂堂

周秀才惠猫

汪濟秀才飯牛稿

蘇李圖

玄廟二道士俱以酒死

湖州二首

百鷺圖

因營張村蠻窩并書所見三首

百雁圖

題番陽徐氏雙頭牡丹圖

陳公哲梅花百詠二首

張道士求檉林詩

酬陳秀才

賦董氏雙岐竹

讀書有感二首

題子昂昭夜白

題蘓李泣別圖二首

馬浩秀才携秋日海棠詩見過

奉化城西三溪口

題趙子昂疊岫圖二首

九月西城無澗題同陳道士衡上人二首

西興馬上

贈屋西小陳秀才二首

蝴蝶

夢中作

入杭

題東玉師府所藏瀟湘圖

灼艾戲呈阮使君

水墨梅花

贈陸相師

題伏生授書畬

題江干初雪畬

銅山寺口初見梅花書寄何則顏二首

戊戌清明杭邸坐雪

四明山中十絕

楓樹坑

茶焙



大小橫山

北溪

韓采岩

莽廣溪

木蘭

仙山

羊額嶺

白水

瑞上人求詩二首

茅齋

感舊歌者

蕭昭春江煙雨畝

西塞山圖

李元中秀才歲晚游諸公間

丙午清明日青塘道中

桃花寺石臺

有人示山水畫卷以為元暉作求詩

題孟浩然霜曉行吟圖

荀陳聚星圖

梁楷畫雪塞游騎圖

過姑蘓

五雲山圖 子昂為戚氏作

雨中過泉教張子開名先遇二首

次韻答鄰友近况六首

送陳養晦謁閩風舒先生四首

同曹泰宇賦寶化鳳花二首

過鄒山祠塾作

題趙大年蘆雁

謝隣友陳仲學秀才惠土苧苗二首

剡源戴先生詩集目錄卷下終

剡源戴先生文集

四明戴表元帥初

五古

大名元復初郎中携示感遇五言八章次韻并

呈東平曹子貞編脩蒞立曹克明教授

美人乘天風手吹玉參差我有龍門桐綴之冰蚕絲

空中一倡答聞者為忘機神馬已出河鳳皇且鳴岐

悠々百年內僅有相逢時

我登山海巔羣丘眇如芥客來談九州更誥誰小大

神疲穆滿馭足爾神如載終然方寸心擾々軀殼外

流光如急水一去難復再歸來坐虛室始覺身安泰  
老馬寧為駒即且或甘帶名跡吾不嫌全生聊遠害  
明有不見曉智有不衛足學靜三十年晚始悟無欲  
履卑懼名高居羣忌行獨不見歌鍾家白日卧 谷  
不見帶索生行吟扣哀竹為君慎燕息頷兔方在腹  
東陽方韶卿惠古意七篇久不得和五月二十  
六日將假館宗陽橋稍有閒暇迺為次韻因寄  
訊吳子善前輩 子善陳文毅公同父甥孫  
長歲狎紛喧新廬稍踈靜虛名亦相累簪珮來整々  
青天成樓柳白日仙林杏散書一長謔消此清夏永

二

營々寄巢蜂白晝爭空花跋々緣壁虫暄飛亂如麻  
譬如惡俗士便不揮鞭撻桐君何處來隔屋聞韶色

三

舊文空中雲零落跡易消新交江上流來去同奔潮  
藹々玄英孫望之十舍遙願爾多黍稌相投共策瓢

四

人膽小於壺揣想無限極及其遂所願不過一消息  
金華文物府前哲餘楷則千年萬年名豈使夸者得

五



作詩如挽船學力乃篙櫓向來牛耳盟諸老肯多許  
元暉雲樹荒仲宣江海阻之子歸未歸相思慰風雨

六

德孤誰顧高氣寒誰顧清斯文鄒魯來堙坎勞其生  
豈無性命憂艱難愈同情如何及門士亦作胡越聲

七

永康經濟學近古將無同甥孫世其業汗馬收全功  
我欲攬遺跡雙眸冰鏡空君亦跨黃鵠吹簫碧雲中  
韓君美經歷賦孟夏草木長五詩示僕曰寫鄙  
懷通呈阮使君、美時典諸公講易

吾評陶淵明畧似段干木清文雖滿家不飽妻子腹  
仰瞻清風柯俯窺白雲谷誰能為升斗辛苦受羈束  
因君寄高韻千古動遐矚

以羔裘如濡洵直且侯韻為八詩送夾谷子括  
赴明州推官

鑑虛磨愈明絃柔調自直臨民要儒術非但用三尺  
君看春秋學從士能斷國人情豈相遠贈子以不惑

二

水耕當用牛陸行當用馬詩書無近功平世安可捨  
吾州兵荒來冠蓋多苟且寧無段干木意氣能少下



送袁季源之婺州因簡范經歷

為山不願高為水不願深水深蛟龍集山高虎豹踞  
我有避人法終日夜冠林煌、錢塘城游塵晝為陰  
豈無青雲交難在相知心豈第袁大夫寒窓理閒琴  
峻坂萬牛力矣天九秋襟膠漆四十年齟齬以至今  
天歎飢餓我使子無黃金勸仕拙不諧驅耕弱難任  
低回向誰門後生氣駭、今晨積潦霽烏、有好音  
約我共行役東平步欵、皎、婺女精泓、雙溪潯  
臺有白馬生風稜共蕭森丈夫惜妄動、以向所欽  
吾評古毛豢志行近騫參公府許辟召屈身非祿深

斯人我知舊長髯美咲吟六蟻夢離合風花命浮沉  
往者納十贄終然遺一簪歆行又不得出門失前禽  
子往再拜問何繇振聲暗

次韻答朱侯招遊海山

江南春草黃江北秋鴈飛窮居念還往故物悉已非  
我有青雲交山林可同歸十年學撫琴對客輒累頽  
豈不願和悅調苦心易為青天無古今白日相因依  
向來炎、人所得一何微成者化埃塵不成翻禍機  
玉美受雕鐫馬良遭絆鞅所以曠達士但貴知我希  
請休接輿歌且急梁鴻噫名微少士貴身閑免官譏

寧無一日力相尋盡崎嶇霜魚碧玉鱸水菊黃金輝  
君歌我按筑我舞君攬衣此日為君歡醉遊敵血靡  
題陳高山所藏冬青枝上白頭翁畫

飛高得珎叢青子饑可食不知何憂愁二鳥頭亦白  
道人天機深清齋亦相許賴汝不能鳴能鳴嫌殺汝  
以空飛本無迹韻為五詩往扣廣微張公

智有不銜名賢有不踐迹百年如飄風誰非遠行客  
所要在持久以道自消息吾師豈欺我白首方學易

浴蚕沙溪冰一首為上饒陳烈婦作烈婦信州  
上饒人嫁同郡葉氏年二十五生子四齡而寡

丙子兵寇起能以智全其家歲饑發粟賑貧類  
大丈夫慷慨知大節非徒守閨門貞行而已有  
司上其事賜旌表蠲復如法

浴蚕沙溪冰採桑玉山巔綠成白稜，膠作烈婦弦  
烈婦何所言絃中意纏綿一說鳶影孤二訴雛粟穿  
巢穿尚可葺影孤恨終天有食不自肥眾禽仰喉咽  
真宰憫其疲勞役盡弛蠲及今雛長成雛群亦踟躕  
朝陽照岩林枯槁生光妍黃蘗誰謂苦鉄石誰謂堅  
請君屏俗耳聽我沙溪篇

書歎七首



王生困縲紲冰道劉子急徵追正仲舒叟挈家走幾

遭鞭與笞東野我無三人辱闔門但窮飢飽死世更

多徒憂何以為敢作小夫歎聊為才士悲

舒子高品藻王生恠衣冠處世那得爾說、真自殘

劉子最多愛逢人傾肺肝勸我守其道縮身可泥蟠

胡為亦不免念此坐長嘆

英、天上星碌、澗下石升沉雖不同精爽或相激

我有知名交四海如郵壁子昂遭逢不自閔頗為談

者惜談者自不知斯人寧易得

表弟豁達人陳兄靜默士平生少附麗頗共同憂喜

邇來恠事繁談笑不可擬一為脫淵魚一為墜柯蟻

吁嗟其奈何天運固如此

數友越州居無書已三年台州已無數逢人每相賢

日夜憶遠友遠者隔蠻烟風氣不擇州俗情輕目前

管鮑死何處寄酒洒其所

結交何用多管鮑無三人讀書何用博得少全其身

君看狗名子攫、起風塵朝逐富兒飡暮聯豪士茵

歸來友如客魚鳥六相嗔

蘇州米空熟越州人不來緩急託遠婚不如傍蒿萊

蒿萊在籬落為我障浮埃生女屬他人生男尚嬰孩

後何得饅粥作此聊自怡

觀村中禱雨三首

十里不同雲五里不同雨天公白茫茫乃爾多肺腑  
人言蛟龍神象類可以取蛇虫當此時行踏誰敢侮  
飛騰信有術忍待號者苦吐哉神禹功浩蕩流萬古

二

昨日苗穗赤今朝洒然青頗知窮旅人百金換顏形  
念爾雖微根同稟造化靈自古有枯旱人類幾千齡  
恐是自生化難以問蒼冥野草人不憐何獨不凋零

三

西村送龍歸東村請龍出西村雨綿東村猶出日  
共稱西人良或是窮可恤誰知所雨粟盡入東村室  
儒生無愛憎但喜蔬蔬實通年一飽厨猶在兔園帙

山中玩物雜言十首

時露下百草流螢此飛翻初如灰燼微忽作秋星繁  
念彼生育處回光照其根君莫輕流螢小物尚知恩

二

青橘霜露時英、秀中園問訊、居人今歲胡不蕃  
云有孤兒來手觸枝上丸嗚呼此豕木痛感在無言

三



野果散高林雀鼠食之宜設非人所殘一顆不敢窺  
寧繇網罟防亦無神物司食道固當爾雀鼠猶有知

四

見狗須不走見蛇須拱手不走爾非偷拱手欲相厚  
無欺物自信能勝誰肯負不見吳山虎郭文探其口

五

鳥有反舌者自古比諛人時氣一朝遷此舌竟不伸  
衆鳥莫不然更鳴以存身如何能言士聒：無止辰

六

犂牛有土德体厚靜綏：豈無此牡情不自求其雌

終朝草棧間若忘渴與飢嗟彼位兒高迺爾難自持

七

精衛勇填海鷓旦苦求明：尚可得求填海何時成  
我觀飛鳴族一：各有營但為口腹謀遂爾遺其名

八

燕是孝義鳥常棲孝義家堂簷白日煖上下靜無譁  
以此托軀羽禍福審不差誰云知數歷俗士議之夸

九

圃人憂孽虫為蔬畜雞雛小雞擇虫啄大雞遂啄蔬  
虫去蔬亦盡對之可歎虛昂：高冠憤反不小雞如

蚯蚓食土壤，何所為。蜩蟬飲風露，蜩上高，枝  
卑者慕其儷，飄飄安可追。倘令智相及，無美亦無悲。

自居剡源，少遇樂歲，辛巳之秋，山田可擬，上熟。

吾貧庶幾得少安乎？乃和淵明《貧士》七首，與鄰

人歌而樂之。

貧賤如故舊，少壯即相依。中心不敢厭，但覺少光輝。

向來乘時士，亦有能奮飛。一朝權勢歇，欲退無所歸。

不如行其素，辛苦耐寒飢。人生係天運，何用發深悲。

二

我居在窮巷，來往無華軒。辛勤衣食物，出此二畝園。

薤松鬱朝露，桑柘浮春烟。以茲亂心曲，智計無他妍。

擇勝不在奢，興至羨清言。相逢樵牧徒，混々誰愚賢。

三

松風四山來，清宵響瑤琴。聽之不能寐，中有怨歎音。

旦起繞其樹，硯砢不計尋。清音可敷席，有酒誰與斟。

繇來大度士，不受流俗侵。浩歌相倡答，慰此雪霜心。

四

中年涉事熟，欲學唾面婁。逡巡避少年，起穢不敢酬。

旁人吁已甚，自喜計慮周。微勞消厚疾，淺辱勝深憂。



從知為下安處上反無儔人生各有志勇懦從所求

五

古人重畝畝有祿不待千德成祿自至釋耒列王官  
不仕亦不負本自足養殮後世恥躬耕號呼脫飢寒  
我生千禩後念此愧何顏為農倘不飽何用出柴關

六

村如多父老面垢頭如蓬我嘗使之年<sup>言</sup>辭語不待工  
古來名節士敢望彭城龔有叟諄其後更恨道不同  
鄙哉說者為隘不為通低頭拜野老負耒吾願從

七

去年秋事荒敗糶仰鄰州徒者道路間什伯成朋儔  
今年漸向熟庶幾民不流書生自無田與衆同喜憂  
作詩勞鄰曲有唱誰與酬亦無採風者此職何時脩

丁氏厚德堂

賤士懷永憂一物常恐枯貴者止營私智或遺妻孥  
肉食從古鄙黃金使人愚我游四十年錢塘車馬區  
但見插桃李誰曾種素榆白頭識丁子儀冠儼于  
示我厚德編嘉名在堂隅談之為踊躍喜氣生眉鬚  
願子富倉庾人飽食哺願子多酒漿日開尊壺  
行藏自有命不謁守錢奴

鄰友陳養直請賦山心樓樓乃入剝日舊寓也

諸峰何盤々四起如帷牆試問客主誰茲樓山中央  
面勢既環合結構欲飛翔我來名山心一笑借胡床  
左手南風絃右手北斗漿山靈亦我笑夜夢車兩廂  
一坐三十秋林篁鬱相望花鳥天語默烟雲野行藏  
開通勿障蔽百世敢遺忘

刈園詩為竺秀才

朝從園中去莫從園中歸園中何所有襟草青離々  
刈少猶未覺刈多還漸稀豈憂筐筥頻要使牛羊肥  
但放刈手緩勿傷蘭與葵々高葉難護蘭弱根易萎

惟彼惡草種刈盡轉蕃滋此理不可誥此語令人思

送陳養晦赴松陽較官

書生不用世什九隱儒官抱璞豈不佳居貧良獨難  
陳子剡中秀盛年早彈冠嘗搴丹丘雲六窺滄海瀾  
仙真顧喜笑魚龍縱盤桓天風一吹激却步赤松關  
諒子太宇定悠然置悲歡但今懷居輩極目勞迨板  
謝陳君祥憲使時郡家以余充歲貢陳侯頗憐  
之令無行

寫皇不鷲慕珪璧無鋒銛評材容一切未覺世論嚴  
僕昔江東歸二紀操鉏鑿聞山但廬霍暮水惟沲潛



官車歲千而未省謂惟愔豈無趙張倫居實不得黔  
新年有吉語所在興循廉惟此沮汝氓生涯畜而穢  
屢營疲負挈陸取困塗雷赫々金鋪門風雨今無簷  
皎々華裾生塵土今無襜分臺得陳侯咲語脫烹爛  
仁賢所居國不言華頑愔侯家仲舉峻何如太丘謙  
問侯何所為深坐靜春簾問侯何所學淨几飄風籤  
僊雅淄川公高節齊晉瞻橫流滔天來挺身卧西崦  
何以贈陳侯孟光書滿奩名曰事言補其辭清以恬  
豈但資禪官五經之韜鈴從來名世士必有淵源漸  
侯職民著龜侯材國梅塩誠今以德攀遐陬詎能淹

愚者理宜止容僕守窮櫪

往時王達蓋嘗與予評陶顏二公云魯公乞米  
於李大夫者李大夫光弼也而恠淵明所乞食  
失其主人名氏以為恨余按淵明乞食詩云飢  
來驅我去不知竟何之行々至斯里叩門拙言  
辭則是淵明為飢所驅本不知為何人家而叩  
之亦可憐矣然淵明家有五男子傳稱翟氏志  
趣亦同能安苦節夫耕於前妻鉏於後又責子  
詩雍端俱年十三或當別有庶母淵明又嘗助  
其薪水大約計之翅百指之家而當飢餓單身

意行望屋求食不知其家何以為處乃不如魯  
公闔門同飢共飽捧英賢可語者通情焉不  
可乎余家與淵明略相類不敢用淵明法壬辰  
春有感於故人之言遂和淵明詩韻將求如李  
大夫者而告之

今朝胡不樂取書一哦之飢窮古不免陶生良有辭  
骨肉同天倫僮僕緣食來如何長年中萬事付酒杯  
脫身得一飽激烈陳歌詩不如魯侯仁借資英雄材  
嗟余亦不作歌向誰同貽

君莫誇少年一首贈余光遠

君莫誇少年與我儼者踈我亦嘗少年少年君不如  
談諧今已忘猶有少年餘東南山水國早得飛長裾  
春園虎立樹夏檻玉泉魚吳妍與楚艷過眼日千車  
當此秋氣淒遊子易歎歎我時未更事意氣益蕩舒  
出門有佳侶遇勝不得虛惟憂日晷短當去亦躊躇  
官曹人所厭高士不肯居平生縱親處最在客南徐  
娼黨四面集綵衣攤安輿傳能待淮蟹醇甘逮僮胥  
道路無此頽此頽滕鄉閭自從秣陵歸鬱、不再撫  
三間風雨屋僻在荒林墟非君好事者誰能至吾廬  
今來建溪上逢君屢相於行藏且勿問人世有乘除



舊狂我已悔新銳君當祛  
男兒不用世資身在犁鋤  
臨風贈君別勸君惜居諸  
勸君重桑梓勸君重名譽  
歲晚未相忘頻寄山中書

老樹

老樹老且枯數柯枝綴之中  
來食其葉藤來纏其皮  
幸然根本堅未至甚離披  
風霜既無損雨露猶見私  
如何烏鳥輩同巢自傾危  
闖擊翼似斧啄傷嘴如錐  
樹色歲時減樹力日夜衰  
回頭試一顧但可相扶持

伯牧東岡麥

伯牧東岡麥仲移西塍秧  
肆李各有役餬口走皇

豈不惜冠履兼崇業  
縑緗憐爾衣食微及茲筋力強  
古來經術士什九起耕桑  
窮通自天命謹勿事膏商

邀陳氏子飯歸似銅山珣老

丁酉五月十五日

飯子山下麥羹以山上笋  
堅煩齒牙麥糲梗喉吻  
相邀豈云厚竟去良不恐  
林園隱趣出魚稻秋事近  
短歌訊而翁贈子以一矧

送鄉友林耕道往信州因寄李明通余與林李

皆遊故中書盧公威仲之門

盧公全盛時桃李何紛々  
冠蓋蔽白日笑談起青雲  
林翁我鄉曲同業又同門  
如何三十年白頭始相聞

全家作楚鬼，隻影窮江源。把手問曲折，口溢不肯言。  
寧非衣食牽，猶賴齒頰存。嘆此皆有數，吾尽已云云。  
下盡浮世塵，上通九天根。事來即順受，不得勞悲欣。  
我老耕破硯，百錢混入羣。聽之如酒醇，油々至微醺。  
所恨名有役，東帆復西轅。平生李元礼，歸為致寒暄。

鹿頂山朝暉軒為東玉師賦

金雞警神閤，燭龍轉巖車。陰蒙欲銷散，岩谷開噓呀。  
忽然蒼蘿顛，湧出紅蓮華。天暉初照爍，六合無藏遮。  
而我靈臺中，善根始萌芽。珍重慎消息，外物如塵沙。

秋虫歎

夏虫声漸微，秋虫声漸繁。微物何所知，時至不得閒。  
嗟我鏡中髮，六復就凋殘。凄然襟憂患，霜風掃茅菅。  
反不如彼虫，自得草莽間。所以達生士，逃名在空山。  
客居雖云樂，不如早知還。

春日城南聞禽鳥声喧甚為賦二十二韻

今日春氣至，新禽各啁嘲。豈無好唇舌，入耳何恟々。  
雉雄最多端，能以巧自殺。黃頭六翮給，微吃和且調。  
無計頗滑熟，烏鴉與鷓鴣。自餘不知名，喧呼雜竿蕭。  
黑衣猥雄黠，晝動固非臬。均為樂其性，幸此風日朝。  
城南六七曲，荒園繞榛茅。我來感物變，何異在山郊。



惟聞黃鸝至不聞叫交、當由恋幽谷畏寒還避囂  
羣英蓋壞內小大一道遙得氣不足悅觸情遂相遠  
乘墉少年見挾彈欲見邀所規不滿掬翻令汗厨庖  
鷹鷂勢險薄爪長尤善稍同群自戕擊此禍極無聊  
深藏務遠晦尚惧形色招危机布平陸况乃縱輕僂  
悲憐復譬釋當鳴詎為妖但懷道傍樹信美非其巢

林貴父投老謁銓有贈

天寒道路長行子難為容况復迫哀暮視近步憧、  
干世悔古學費時暫情畏誰知凍雪蒼忽視戟髯翁  
袖有排闥書談如簇斫峰聽之不能竭浩氣生奇胸

從來庠序師專以處龍鍾才高得教誘祿休尚遭逢  
此職令不少有求豈難從去、善自愛春禽語晴墉

陳晦父赴銓十三韻

古人取遠士得一以為豪江左貢千百選掄今始勞  
占對混童廝趨踰諧吏曹以茲寓繩隼棄髓索皮毛  
遂乃考卷業成文喧誦號其次爰保舉虛櫝相龍叨  
富儒坐可得貧儒走滔、有司見其然厭賤如蓬蒿  
誰知真儒者百黜寧不遭陳生青紫門佐書越江臯  
秩滿在選中家寒無所操虞翻顯憑易買臣進綠駮  
吳士例則然且毋銜名高

次韻荅監官傅秀才

歎有險於穿千金身陟沉爭名急飢渴對面九閩深  
誰知海城畔山水簇清音蟾蜍泄喜愠蘧蔭閱晴陰  
意到得所指不作寒鴛吟斯人定不惡我輩許同襟  
去、復去、白鷗未遐心

舟中望紫岩

近山近畫牆遠山如帚長我從雲中來回顧白茫茫  
惜去乃爾覺常時自相忘相忘豈不佳遺此春懷傷  
飄洒從何來衣巾徑微涼初疑雨氣集冉冉遊塵黃  
無歸亦自可信美非吾鄉登舟望東雲猶向帆端翔

次韻荅二袁

相逢何草草不念別日長別我、在山別君海茫茫  
慰別有難易我老不易忘今此春雲篇來別已悲傷  
春雲雖多態典世無炎涼朝出山路白暮歸海尺黃  
人生不免別典君非異鄉我詩不如雲春雲解飛翔

信府同知黃侯名其讀書之室曰廣居

隘夫護藩畛得少便有餘達士心曠然清明如太虛  
海岳陳鼎俎義塚走軒車唯諾無不行尚懷豚典魚  
嗟茲山城氓憎長逮其胥好語朝索茹怒攻書攘裙  
侯來未數月眉顏咲舒、退食掃一室焚香展羣書



舉頭寔楹間有榻揭廣居力行守仁義邠公不欺予

八月十六張園翫月得一字

明河盪殘雲清海收晚日婆娑林端月為我良友出  
洗杯問勞苦天女笑睜々月行虛空中萬古無損失  
且可娛今宵勿復思昨日歌情天水遙坐影人樹密  
喚醒有微酒徵詩或呼筆仲容歡入林懷祖嫡在膝  
初猶整裘褐久乃忘冠櫛趨鏘翻奕盤笑傲驚帳室  
寧來兵喧呶不許私暇逸虫々復擾々醉態不可一  
情知此月下此樂世無匹月光本天性清瑩本其質  
動定極渟涵声沈轉蕭瑟忽忙記醉語悟處已難述

朱使君家諸郎將別十一韻

東南典藩材朱戶賢第一天生好兒郎玉笋森六七  
俱能弄文翰那教踰戶室伯也秀英々珊瑚映初日  
翁仲竈似古鼎鼎熊彪質壯李相和鳴笙入鍾磬出  
人言有陰德我愛少權衡公退々見容老衰時自失  
官期忽在眼別語常促膝江湖芥舟小歲月翎箭疾  
善保清明心臨峽草輕沐

掩篋

十容九不解一解值吾仇壁如巧蛾眉同鏡見之羞  
結交恨不廣難在相綢繆掩篋謝年少所藏非所求



感物二首

駮驥初失群，六自矜趨騰。俛仰歲時久，帖然困故繩。  
豪鯨逸其穴，尺水成滄溟。豈無魚鱉交，望、為所憎。  
物理有翕張，達人同廢興。幸無怵迫憂，聊復曲吾肱。

二

魚目出泥沙，空村百金珍。豫章值擁轅，細、供蒸薪。  
論材何必多，適用即能神。託交何必深，寡求永相親。  
鮑牀拙，羈魯張生窮。危陳茫然拔，援際豈意出風塵。  
閩風舒先生，客居崇溪表。仲素家見示，竹簾詩  
戲作問答二首

剡竹吾問君，班、為誰設。一登君子堂，迥與凡界絕。  
破籠鱗，故鮮湘娥泪。猶熱既能露文章，匠手安得輟。  
所憐無可娛，如伴枯禪滅。千金散紅裙，一鏡垂白髮。  
定非夏侯衣，高堂挂秋月。

答

何物非可憐，聿向翁戶設。翁好詩更佳，蕭然得三絕。  
他家少年叢，徒爾歌舞摠。正如閩優場，未久意先輟。  
翁今一室老，高卧百念滅。湯爐松林風，紙帳梅花雪。  
時、有佳客文字送日月。

送官歸作

昨日送一官今日送一掾冰溪十里客前後送已編  
如何老文學獨此久留戀趨走鞍馬疲闕防簿書倦  
尋醫責誰諉投劾事難擅去往知奈何作歌聊自勸  
九日在途索居無聊取滿城風雨近重陽為韻  
賦七詩以自遣一滿字  
窮人憂夜長壯士惜日短重九俗所欣我意迥爾懶  
豈無解憂酒累酌不能滿東園富詩材紅石垂纂

二城字

憂患與寒暑攻人如五兵中年學養道爰於守堅城  
秋風不相貸白髮日夜生白盡今須止問熟已不驚

三風字

秋氣一以深四野嘶爰風晨興視庭樹今昨忽不同  
超騰諒無術俛仰此世中作詩欲何為贈子以固窮

四雨字

繁黃菊花照我原上土拒霜亦多態終日相媚媿  
春花豈不美嗟此風露苦正命何所尤生遲後井雨

五近字

山雞鮮羽毛野鶻健爪吻秋高草未空屏處亦可隱  
一為嗜慾牽遂與籠檻近作書報孔鵠出入亦少謹

六重字



生世悔識字祝身如楚農  
勤勞養尊老膳味日可重  
畏藟熟新黍耕休有過從  
行吟答松籟此樂踰歌鍾

七陽字

雁、西北來、六復東南翔  
動物各有時吾當謹行藏  
厚、謹違嚴風密袂禦凜霜  
陶然而簷下一笈生春陽

班溪

我愛班溪班、班為誰好  
於時九秋晚霜葉紅不掃  
石、搖未歸雲水映款哀  
草累、牛羊隊洒、魚龍道  
崇丘尚多菜殘村幾  
經潦故物一若斯  
今我胡不老  
過從幸相狎聊坐暢懷抱

宿福海寺

斷岩蒼龍角汲流紫雲根  
道人不絕俗自然無耳喧  
屋脊挂脩嶺一日過千轉  
此中但高卧松風有清言  
聽之六無有風定松在門  
欣成我欲去獨雀鳴朝暾  
六月十三日壽陳子徽太博十首以無官一身  
輕有子萬事足為韻一無字

驕雲散飛而隨風為有無  
老農終歲心望施在須臾  
平生官田粟長此禮義軀  
置之且勿戚一飽任妻孥

二官字

青、澤中蒲九夏氣淒寒  
翔、翠碧雨照影蒼溪間



巢繇薄天下俗士榮一官小大各有適自全良獨難  
三一字

窮居無公憂私此長夏日蚊蠅如俗子正爾相妬嫉  
麾軀非吾任遁避亦無術惟當俟其定靜坐萬慮一  
四身字

流螢出草莽空飛亂星長蜻蛉水蟲質一爰能輕身  
物情羨速化過眼異新陳嗟々白屋士吾方守吾真

五輕字

當暑苦炎暘日數赫風生窮憂在衣褐霜露亦可驚  
徘徊念年少歲月去已輕歲月可奈何學道恐無成

六有字

自古皆有隱陶生隱於酒炎氛四面集一窟在北牖  
世人羨桃源桃源復何有惟客醉鄉徒百世得相友

七子字

永日豈無飢盜粟非所擬唱行豈無勞惡木非所止  
君家碧梧軒蓮荷汎方沚我來息涼陰嘉賓薦君子

八萬字

幽蟲聒午枕掩抑声千萬風前以虛鳴蟋蟀最多怨  
我靜乃得聞一々來自獻懂々道侑子與尔故相遠

九事字

炎方有朱鳥、瑤、顏色異土人、目為鳳、信尔可安致  
生雛、固當竒千歲、會一致、絲、鴻燕期寐、非我事

十足字

朝遊剡山巔、暮戲剡山足、英、丹霞洞不受塵土辱  
飛仙復何評、諸子如立鵠、酌君滄浪泉、和君紫芝曲

陳茂陽書監赴史氏塾

青天碎浮雲、飄落隨長風、當年江海心、聚散豈謂同  
我髮春散白、君顏秋樹紅、各將飛騰具、坐受窮困攻  
懷書更何罪、暴客歲不容、數夕稍振發、共語涼天中  
天明換顏色、囊瓢赴羣童、此事本下策、改道無所從

猶勝古俠士、儻牛市、廣東

春風

春風吹愁端、散漫不可收、不如古溪水、祇望鄉江流  
新花紅燦、舊花滿山白、昔日金張門、狼籍餘廢宅  
回頭語春風、莫向新花叢、我見朱顏人、多金亦成翁  
多金不足惜、丹砂亦無益、更種明年花、春風自相識

八月十五夜雨中微有月色

雨色今夜別映門、白鮮、隄知萬古月自在、竒高天  
天高無陰晴、月亦無虧圓、中間隔雲霧、頃刻變態千  
惟當自作樂、上界豈我憐、接竹風撼、郭倒尊水、號川



狂歌眺泚弄恐有浮槎仙

九日典兒輩遊中溪

悠々循澗行磊々據石坐林垂短長雲山綴丹碧  
艷  
蓼花最無數照水嬌婀娜何知是節序風日自清安  
羣童競時新藕果間蔬菰欣然為之醉烏帽危不墮  
此日山中懷孟翁不如我

古詩十五韻送胡天放西遊名儁淳安人

有鍊莫妄鎔々作俠士椎有帛莫妄縫々作小人衣  
君看天放翁氣貌絕清羸落七尺身仁義充膚肌  
無家救人窮無田恤人飢江湖三十秋白頭轉峴嶠

餘情尚洒々不吐酸寒辭事慕古豪傑諸兒那得知  
或云有仙骨深中愈難窺趨騰華佗戲偃蹇梁鴻噫  
世德貴反覆口語瀾翻飛夫子頽之笑百觸不發机  
寧當待溝壑西山古誰悲佩君珊瑚鈎酌以玻璃卮  
相知豈云無去々勿復疑

傍家東北有山曰紹地余幸得之規以為素莊也

紹地吾所欣他時以歲我岡原見逾美松柏栽已夥  
雙流交在右在一几平連左憶惜初徑營登高忘蹙跛  
年衰力漸怯步暫石頻坐居然契券叶偶爾龜策可



心手之勤勞，軀骸庶安妥。况復近芳歲，時能薦蔬菹。  
雖無劉伶鐘，畧慕王孫餽。

飢旱

早風燥我膚，飢火煎我腸。春夏猶自可，入秋始難當。  
簪珥陵頓盡，衾裯纖細將。奪從女奴手，併入米客囊。  
但冀喘息延，敢憂生理妨。山州古硤瘠，歲計仰蘇杭。  
爇地流玉粒，浮天駕牙樁。如何水後郡，翻穀浙東糧。  
行路急從人，人情拂皇。焦枯望一雨，禱禱願千方。  
雲氣六偃蹇，魍妖轉突揚。浮生想有屬，沈憂聊暫忘。

余居之西偏，有小室名菑菴，詩以識之。

菑語養氣海，菑食養脾土。菑慮養心神，菑勞養筋膂。  
衰年百事祛，寄息此環堵。危如突圍將，鈍似滯風賈。  
顛仆冀賒延，空羸待償補。夸虛道蝨賊，送獲命斤斧。  
收君論瘕符，佩我養生主。

鄰峰

霜嚴火炬青，月淡丑峯白。堂夜行誰鄰，峯取醜客。  
敗醜事且止，歸農收又薄。杖擊習鞭撻，鮮肥慣烹炙。  
外雖刑憲拘，內實飢困迫。鹿窮有狂奔，虎斃猶怒擲。  
如何隴上豪，坐作溝中瘠。世無卓魯化，名在跖蹠籍。  
感歎重，徬徨羈危轉，驚赫。

次和焦治中雲洞紀十四韻

是身虛室中如雲本無有  
遊行又其寄繼樂安得久  
嵌岩大塊質銳削奇鬼手  
棟宇起何年名稱出誰口  
憶昔扳藤蔓凌空訝鷄狗  
踈石生竅剝室懸斗  
乘峻開棧梯緣明掛窓牖  
豈無題壁堂多逢聽畬叟  
賢侯韋平家雅韻王謝友  
驪珠百四十模寫已八九  
坐我南樓床澆我北海酒  
人生主客意如此豈云偶  
風花命浮沉木雁天可否  
悠然付一嘆山靈倘回首

南岩留宿分韻落字

遊歎值暄秋飲狎得嘉客  
嵌岩復在眼徘徊忘還郭

款、坐向疲暄、咲多譚短  
簷近見出竇乳時聞落  
防閣燎蒸薪驚虛搖鼓  
鋒僮慙榻露處僧馴若  
頻淪竟隱諒未能羨彼高  
棲雀

丙午二月十五日以府檄出宿了岩

衰年慕棲息役、殊未休  
天明發東郭日晏泊西州  
豈其千金軀為此一食謀  
宿麥青已鬱穉素黃亦稠  
欣然一會意所愧非吾丘  
悔日諒不遠誓言良易酬  
擇手謝還往伊嘍自伊嘍



七古

聽琴行贈沈秀才

君不見江南琴師海典聰誰與傳者夢溪公又不見  
醉翁詩中沈夫子聽水作琴、譜起祇今人間何處  
無琴師問渠端繇渠未知錢塘春風萬人裡沈家還  
見高男見沈家、住鴛湖曲夜理漁絲朝采菊、苦  
難餐魚又寒彈出歌声寄淒獨近來携琴東海行清  
音應指如流鶯湖園日煖百花嘆彈徹滿樹春風生  
我不識琴識琴理為君悲酸為君喜相逢正值酒錢  
空狎狂握臂紅塵市琵琶阮咸休羨渠相知豈須頻



曳裾醉毛死久髯徐去洗手空山修樂書

看花曲

種花郎君愛花好看花女兒笑花老墻東花開開喧  
喧馬蹄蹴醉墻西草遊人賤草只看花明日重來還  
可嗟但見萋迷青覆地千紅萬紫成泥沙君不聞明  
妃當年辭漢宮黃雲塞下白楊風一朝邊亭靜烽火  
詔書自議麒麟功又不聞馬嵬山前玉環血歲、春  
風吹不減詞人正賞涪溪碑千秋妖恨無人說紅顏  
誤人何足憐花開花謝春風前猶勝淒涼後庭樹離  
歌未斷江南暮

建溪精舍得本字

四山脩、春日煖白髮看花惜春晚當時衰草牧羊  
坡今日池臺紅霧滿最憐幽篁手所植兒戲成叢六  
千本舊遊聚散萬事拙客夢悲歡百年短荒涼處、  
經戰馬寒食家、澆祭盃隄知地下不識醉衲合生  
前尋醉伴蒼苔白石堪枕藉野鳥清溪自絃管同遊  
飄揚正捷步老我摧頽甘負眼風床溽暑新候濁江  
樹飛雲故人遠出城少事幸縱恣賭令爭歡君莫懶

夜寒行

昨日天寒不成醉今日天寒不成寐醉遲得酒可強

歡寐少愁多頻羨喟柴竿葦炬開荒城役夫遙作鶴  
鴨鳴擁衾高枕未云苦熟聽但覺令人驚烏孫黃鵠  
飛不返遼城白骨填未滿朔風蕭蕭吹成旗居人何  
如去人遠丈夫無成霜滿鬚沙場萬里星河踈南牆  
詩翁窮據爐北窓少年猶讀書

騎馬行答贈吳中張子潛卿貢

君不見天上續絃膠又不見海外切天刀傍人錯愕  
心自決痕止過眼無秋毫吳江先生淮海客長篇大  
章歌落托白袍只作東土音黑頭曾射南宮策霜清  
水落芙蓉開酒酣獨上吳王臺緘書右望繼飛鳥乘

風忽擬穿蓬萊人生相逢不在早賈生太少顏生老  
興來亦欲向西遊約君騎馬閭門道

自信上歸遊石門訪故人毛像鄉鎮鄉兄弟作  
長句贈之丙午冬

山開未開白雪梯人行不行青麥溪五年清夢隔蟻  
穴千里飛塵深馬蹄重來交遊亦笑樂但覺几杖煩  
提携門閒霜葉無數積風定水禽時一啼藥草春暄  
夜更長木蘭花下聽天鷄

昨日行

種樹莫種垂楊枝結交莫結輕薄兒楊枝不耐秋風



吹薄交易結還易離君不見昨日書來兩相憶今日  
相逢不相識不如楊枝猶可久一度春風一回首

招子昂飲歌

典君相逢難草草典君相逢苦不早人生何處少泥  
塗此日飄零武林道武林城中馬如雲閑屋狂歌人  
不聞狂歌自笑君三笑依然狂絕不如君三歌豈是  
真狂者青山少日春瀟洒至今俊筆五花雲最惜青  
眸十行下虛名何用等灰塵不如世上蓬蒿人黃金  
偏趨不貨室白髮難老無愁身風雨無情三如此淒  
淒但眩窮人耳不見朱樓高到天鳳簫龍管連朝起

連朝笙管可奈何我歌且止須君歌青天白雪望不  
極坐見綠水生層波我生胡為被狂惱江頭魚肥新  
酒好從今作樂拚醉倒與君相逢難草草

雁南飛

鴈南飛、且鳴我不愛爾絕漢排雲之健翼嗟爾秋  
來意氣各有遠江湖萬里同風聲風聲萬里秋蕭索  
山鄉田荒水鄉薄不應專為稻梁來得飽自佳今三  
樂羣飛嘹唳奈尔何青天茫茫無徑羅誰知世有苦  
心者夜半聞聲悲轉多鴈南飛勸尔飛時莫近征婦  
舍手觸邊衣添淚下更莫飛近貧士屋絃絕樽空怨



悽獨鴈南飛，且止世事驚人例。如此我昔扁舟五  
湖水年，見尔秋風裏。如今未斷少年情，一度鴈來  
心一驚。今年鴈來，明年去，去，去，江南跼欲將書  
寄去邊人，明年認作書回處。

剡民飢

剡民飢，山前山後尋蕨蕻，蕻蕻得粉不滿掬。皮膚皴  
裂十指禿，皮皴指禿不敢辭。阿翁三日未供糜，不如  
拋家去作挽船士，却得家人請官米。

俞光遠父子歸馬輿兼託問訊故舊

君不見深山野馬生龍駒，又不見荒林老鷹鳩作雛。

男兒似種世所少，俞郎三世成清儒。祇今道路滿塵  
土，大袖已覺妨奔趨。提携逐食何足羨，子有策寧  
親軀。蠲符畫行鷄犬靜，餐錢下歲鮭魚須。机神有餘  
自靜重，蔚老氣生眉鬚。高堂百客森冠裾，四座指  
點看明珠。誰能對此心不動，歸來轉覺羣兒愚。峽南  
雲深山氣冷，今歲亦聞愁。早枯但憐四壁愈，憔悴傍  
人解笑吾人迂。書來隔宿發夢寐，便買舴艑隨僮奴。  
山籬語喧聽柳栗，晚閭粒羅懸蜘蛛。暫違相見喜定  
劇，勝似朝夕趨庭隅。日子此去傳區區，先從賢翁到  
吾徒。劉郎癯絕今更癯，香岩老人安穩無。

採藤行

君不見叨明山下寒無糧九月種麥五月嘗一春辛  
苦無別業日々採藤行遠崗山深無虎行不畏老少  
分山若相避忽然遇藤隨意斫手觸藤花落如帽藤  
多力困一顰呻對面聞聲不見人日晏將來各休息  
妻兒懶拂竈中塵須臾叩門求海賈大藤換糧論斛  
數小藤輸市亦直錢糶得官粳甜勝乳明朝滿意作  
晨炊飽飯入山須晚歸南村種麥空早熟逐日扁門  
恐飢哭

杖錫虎

杖錫山々深典世絕往還從來稱是仙聖窟虎暴不  
得奸其間今年山神大失職虎來山前搏人食傳聞  
此事我々恠歷問更為居者惜杖錫山々民獷徒踈  
農耕老稚為樵壯為獵朝々暮々山中行山獐野雉  
收當糧天寒果熟霜狸香腰弓度壠矢插房黃茅覆  
溪机半張烏啼犬奔風箭急机鳴未盡且前立平生  
聞虎不識面顛倒窮途忽相及驚呼頓迅聲漸微妻  
兒駭呀不即歸循踪走至設机處但有血漬爛斑衣  
嗚呼哀哉乎此民良足悲嗚呼嗟哉乎此事不足疑  
吾聞以毒殃物者物亦以毒殃其身我不敢以尔為



仁以餌鈎物者物亦鈎尔以為餌我不敢以爾為智  
杖錫山、絕深無虎不必古有虎不必今天生此物  
居山林有虎無虎視尔心但令尔心無干戈虎居深  
山奈尔何

少年行贈袁養直

我昔如君初冠時見君垂角兒童嬉君今長大一如  
我但少頭上斑斑絲誦書如流日千紙更出清言洗  
純綺明珠在側真自失挾冊茫洋吾老矣人言四十  
當著書春風半負黃公壚僮奴哂笑妻子罵一字不  
給飢寒軀儒學無成農已惰履窮始悔知無奈人生

少年還易過請君努力無如我

義蜂行

山翁愛蜂如愛花小蜂營蜜如營家蜂營蜜成蜂自  
食翁亦藉蜜裨生涯每當小蜂採花出翁為守閨司  
徼遮朝、暮、與蜂狎頗識蜂羣分等差一蜂最大  
正中處千百以次分來衙叢屯襍聚本無等勢右有  
制不敢譁東園春晴草木媚謾天蔽野飛橫斜須臾  
駢翼致雋永戢、不翅輸牛車似聞窸成有所獻侍  
類不得先摩牙重防護衛自嚴密雖有毒螫何繇加  
一朝大蜂出不戒春容靚飾脩且姱蜻蛚忽來伺其



急搏擊少墜遭蝦蟇羣蜂倉皇迷所適謁走欲死聲  
呀々求之不得久乃定復結一聚猶如麻我來訪翁  
親目睹搏解不覺長咨嗟翁言蜂種幸蕃盛衆以義  
聚猶堪嘉烏衣槐安傳自古蚩觸分據兩角蝸雖云  
彷彿存國族徒以紀異其辭夸博勞舅婦恨豎短盤  
靈異姓爭荒遐豈如茲蜂互推舉一体同氣無疵瑕  
我憐翁立私誚責扶傷蚤愧隨候地况伊二毒俱下  
類瑣細不足勞鞭撻前尤往悔俱勿論事會倚仗來  
尚賒新房練成蜂未壯舊房委弃隨泥沙

雪後况湖歌

為阮使君作

君不見明州城中日月湖縈藍繚白如畫固良時樂  
遊古亦有何人破雪浮官厨金猊煖壓紅氍毹紫貂  
醉拂青珊瑚塵尾高懸前唾壺使君霜髯双臉朱同  
時僚客搃豪秀陸地閤苑羅仙儒名談鋒湊初不惡  
安得玉人歌縷珠似聞州民喜公出終日繞岸供驩  
呼淙絃濁管何足道入耳得此成真娛城尖數峯淡  
模糊山郭何路通樵蘇年々獵前得三白樂歲仍然  
多餓夫定知新年稍安樂風流使君江左無

山茗行

茗花如雲色如雪萬壠千溪看不絕風吹日炙自鮮

明棄在空雲誰愛悅遭逢偶入山人手縛作蓬鬆掃  
塵帚髯髮落已蕭然時對西風一回首人間貴賤  
不須論此物古來從至尊猶勝長拋霜露外秋虫野  
憐愁枯根

啄木行贈淨珥上人

東園嘹々還剝々有鳥晨饑啄霜木天寒虫豸得幾  
何爪嘴披猖良為腹華堂蝙蝠添毛衣飛蚊淨盡何  
處歸海山野雀亦有飢々絕不向人前飛

又坐隱辭

坐隱字出顏黃門家訓而其義非也余雖移

家唐舉居猶未定每往南城南寓舍城中無  
所營交遊益踈或至堅坐如旬不出遂取二  
字榜其室而坐作隱辭以歌之

快馬疾馳不如徒步多金善賈不如躬耕日食八珍  
不如強飯封侯萬里不如還鄉我親古來丈夫子何  
用桑弧蓬矢射四方蘇秦生為六印役主父死願五  
鼎烹不如諸葛草間談管樂陶潛醉裏傲羲皇南面  
之尊何如於據梧之賤環轍之智無預於荷蓀之狂  
高岡峻谷久亦變青天白日晝夜行茫茫胡為憂愁  
浪自苦百年齒髮誰得長堅強不如掩閤掃跡成坐



隱清齋永日一爐香

賦意未暢復拾前韻之餘者作廣坐隱辭

我作坐隱辭客來問我坐隱方開門進客還復坐為  
客歷落言其詳隱朝市我不能衝塵冒暑走遑遑隱  
江湖我不能披蓑戴笠操舟航隱山林山林白晝行  
虎狼隱田里田里赤立無資糧窮觀六合內投隱幾  
無鄉是以古來人失路多猖狂或隱伶官俠客或隱  
藥肆僧房或為君平隱賣卜或稱陶朱隱行高雖能  
逃世網於事未為良况我難携一身隱二親白髮垂  
高堂神仙拔宅古亦有無翼不得高飛颺不然少自

屈歸去隱耕素隨傭謁作既無一夫力買田築屋又  
乏千金裝僮奴抑掄親友棄往々人厄非天殃悲來  
俯仰尋隱處欲親書冊依杯觴引酒未一酌狂氣鬱  
律衝肝腸讀書未一卷噫嗚感慨淚浪々酒能觸人  
生憤激書能覽古知興亡非徒不足充隱具反緣二  
物來自成覆杯捨卷且默坐氣定始覺如平常因思  
世上百千事是非榮辱俱可忘楊朱墨翟悲泣兩無  
益伯夷叔齊浪死埋首陽不如隨緣委運祗塊坐冥  
心徃徃遊黃唐不論辨不憂彈射相推傷不還徃不  
憂風露沾衣裳人生衣食分已定登塗役々空自忙



不見啄木鳥終朝一飽如不償不見守著龜窮年引  
息泥中歲目前伸屈君莫問此鳥孰與龜年長坐談  
自咲客亦嘆烟、暗室生天光

行婦怨次李編較韻 丙子台州作

赤城岩邑今窮邊路傍死者相枕眠惟餘婦女收不  
殺馬上娉婷多少年蓬頭垢面誰氏子放声獨哭哀  
聞天傳聞門闕甚輝赫誰家避匿山南巔蒼黃失身  
遭惡辱鳥畜羊糜驅入燕平居隣牆不識面豈料萬  
里從征鞭酸風吹蒿白日短天地闊遠誰當憐君不  
見居延塞下明妃曲悵惆今人三過讀又不見蔡琰

十八胡笳詞慚貌十年有餘戮偷生何必婦人身男  
兒無成同碌、

飛花行贈馬衢州時馬在建興別業

山上風花山下飛花飛欲盡山翁歸歸來亦自忘行  
跡但覺滿地紅依、餘花更惜隨溪去溪上遊人小  
下踏恋家漁父斷來踪難老劉郎記前度花開花落  
春風前我昔與翁同少年祇今鶴去但華表何處鳥  
啼悲杜鵑遊人自遊春自暮從翁問花、不語且當  
向花日、醉、到花前學花舞

織錦迴文符陸時秦州刺史竇滔妻蘇蕙若蘭

為其夫後流沙作

君不見秦州城中雙帶花春風吹散著流沙流沙千  
縈復萬轉織入採机歌不斷歌不斷可柰何人生富  
貴憂患多不如窮山饑田婦白頭不識遷移

石湖范至能嘗作姑惡詞以為婦怨非天下之  
為婦者所願聞故作續姑惡詞以廣之

姑惡姑不惡人言姑惡人豈知為姑作婦百不辭婦  
在姑尚可婦死姑饒悲恐傷姑意不敢違化作異物  
鳴無時姑不惡姑不惡怒姑還當被姑責但願生身  
復作婦死別不如生見樂

余博士家猫相乳歌

上統余宗鍾鼎家孫枝十世猶清華南昌博士最賢  
者膝下燁、開緋牙我行其庭值供頓食指半千聲  
不譁女悅男擊况脩謹冠立童趨知等美江南族聚  
盛亦有如此礼法嘻可嘉長公、退忽語我瑞猫之  
篇題滿車二雌同時各生子一雌病僵如卧瓜一雌  
端來代其乳碩睨懇惻呼嚶啞子衆身疲乳尔竭病  
母起將新乳加天寒綉褥更枕藉日煖花磚羣戲拏  
我憐二猫有至性欲脱毛尾升竝珈北平將門梁肉  
窟此事尚得昌黎誇公家儒化鬱積久羨感直可馴



豚豕頤公尽力持閫範，  
彌補始終無闕瑕。  
不見古來歌舞地，  
祇餘猿窟與虫沙。

贈天台潘山人號秋崖

老潘双眸如紺珠，  
帶以秋陽朝露之清腴。  
山形水態出沒千百變，  
經君指顧不得藏。  
錙銖我昔少年好，  
狂走風餐雨沐逐，  
忘朝晡至今卧遊想。  
其處但覺雲濤烟瘴千里行，  
頂臆匡廬春風鍾阜雪，  
彭浪之硯大小飛未孤。  
秦淮震澤洞庭野，  
我眉灑南接五嶺東。  
蒼梧歸來把鉏剡，  
山下有時一竿釣。  
月賀家湖籠鷹櫪，  
馬困羈束每逢風。  
鳴草驚動號呼聞，  
君談診到骨。

髓褰衣振迅恨不六，  
翻生形軀尋平下。  
龍古所有君家祖孫三，  
葉傳青鳥人言河流可移山。  
可鑿秦皇漢武已顛，  
愚公愚相留徘徊。  
山南山北一百里，  
勝處忽然開酒壺。  
問渠劉伶一童一鍾，  
欲何用且可從我日醉倒黃公壚。

范文正公黃素小楷，  
昌黎伯夷頌，  
蓋宗皇祐三年十一月在青社所書。  
以遺京西轉運使蘇公舜元者也。  
後二百四十年大興李侯戲得此本於燕，  
汲南來守吳乃文正公鄉里，  
即訪公子孫以畀之。  
范氏喜而索詩為贈。



有耳不聽下里巴人有手不寫劇秦美新天生靈物  
寄我體可惜穢棄同埃塵清風百世希文老一字流  
傳今是寶誰知堂、伯夷頌曾借春暉爇枯槁韓子  
也復英雄姿冰寒斗峻餘文辭吹噓自起北海隱膾  
炙聊慰西山饑天荒地老精靈在處、江湖紅散彩  
青離孔氏忽自歸今遇龔侯如有待世情嗟古兼爰  
奇書如滿眼非吾師請君焚香盥手拜此帖歸洗人  
間見女癡

送程敬叔教諭赴建平

尔之王父東諸侯朱門行馬高修、嚴君家學又維

美年少鄉書推上游我生苦晚百無益猶及步趨陳  
太丘飄零不死見三世爾復預此能言流風神清羸  
談炙轂生理滿條書汗牛今年別我忽遠役天馬放  
靶難停留問渠何官縣博士橫小之西江東陬此邦  
固是吳楚會風淳土朴衣冠稠亦聞岩谷多古跡最  
喜道塗稀使驢公堂講罷看山坐香鼎茶鐺相勸酬  
熱官千騎豈不好白日公庭愁督郵飲冰茹藥善自  
愛歲晚相期釣滄洲

題陳貴白畬齋

海山作農較苦累級開畬燒宿莽畬成得粟不償

勞歲晚空瓶誤飢鼠不如陳郎腹果然日、閑門耕  
紙田餘糧尚許餉遠客植來時和南風篇

余既題奮齋有聞紙田之說而笑者復作長篇  
學農無年尤可待學儒無成祇益餒羨君終歲作書  
癡聚室吝、窮不悔客來問計何所出一飽自懸體  
粥外平生據案歛歛心汗簡為犁筆為耒藁茅百氏  
草避耨膏澤羣經泉赴澮日高洛誦烏鳥悅夜半吳  
吟風雨會世間梁穀何足道開卷穰、心欲醉旅重  
羣蠹防雀鼠更繕中箱築倉廩古言樂歲生禮義先  
見儒門消鄙悖祖符且免里正索子本時容書客儉

東隣有田多牛翁日執牙籌親細碎困糧竟作誰腹  
飽騎吏驚惶汗流背此時奮齋淡無事義冠正與周  
孔對禮義適口即為味牛心菊苗皆可贈我詩君意  
兩自知且勿說、語兒輩

刺箋送任叔實

刺溪春水碧鱗、刺水野藤如亂雲刺人伐藤就溪  
洗匠出素箋黃土紋大箋敷腴便字牘小箋輕盈日  
千束我昔少年貪著慕累笥連箱輸不足年來棄置  
百事休引腕就書如畏囚有時得箋不自愛社曲壘  
歌相獻酌世人貴賤隨人好西家棄物東家寶退筆



成山何足道為我攻修太玄草

次韻和郭祐之雙橘堂趙母壽詩

嚴親不待高官秩一刻歡娛勝十日趙郎宦薄母八  
旬自採芳甘充俎實堂前酣雙橘紅童奴見客笑  
滿容有田得耕我亦去綉衣御史語生風

醉歌贈袁茂才

君休咄囁語我欲顛狂歌君語雖不可多我歌顛  
狂如我何君不見蘇季子腰橫六印車如水竒禍一  
朝生口齒又不見朱買臣朱後煌不庇身不如會  
稽喑啞人南山頭北山下亦有騎牛唱歌者行人

不訶官不問歌罷牛歸卧牛舍我歌屬君當歌桃  
花醉面春風和君歌不成春亦老虛客江城車馬道  
明日酒醒應絕倒剡源溪上看芳草

題范道士來鶴亭

仙客已騎黃鶴去道人自凌白鷗間白鷗萬里猶可  
狎黃鶴一去何繇還借君剗風七龍轡返此靈物三  
神山天空海濶望不極回首正落樊籠間

題李伯時畫五馬圖

嗚呼良馬不世出今人但尋李侯筆五龍忽墮白雲  
鄉海角孤臣看自失太平天子開明堂前驅麒麟後



鸞鳳當時此馬來萬里想見顧盼生風霜龍眼老仙  
亦如此揮毫談笑羣公裡官閒祿飽火塵埃霧閣雲  
窻天上起風流轉眼餘山河人間荆棘何其多臨風  
卷圖三太息此馬今存知奈何

孫使君飛蓬亭歌

江南澤國多烟水年少輕身作遊子適來哀懶畏奔  
馳忽見飛蓬平地起飛蓬主人人中仙曾乘千斛凌  
風船、頭畫鼓催行酒船尾紅粧歌采蓮收篙卷綸  
今尚樂却悔從前風浪惡青雲裏褐一鷗身白髮山  
林五胡客我來花霧紅霏、此蓬如山何處飛但當

共坐索醕酌溪塘過雨春魚肥君不見鷓鴣名成滄  
海去富貴畏人如脫兔又不見羊裘釣客桐江上一  
出張皇動星象何如飛蓬主人亭上飲醒與客論酣  
即寢、酣忽作江湖夢風雨漂搖蓬不動

題峴山園

山頭種石懸蒼雲山下急流風卷紋何年荒碑當嶺  
立龜趺圭首猶鱗皴神龍驅毫鬼翰墨羊公精神荆  
楚色想當意匠營初已盡東南烟霧迹從來登覽  
非真遊襄人正樂吳人愁尊前鄒湛亦不惡江山千  
古同悠、君不見征南後來人姓杜自喜作碑心更

苦祇留陳迹笑癡迷行客何曾淚如雨

### 登新嶺

犖、确、白石溪綿、茫、青草蹊四山陰雪濕灰  
色六月杜鵑深樹啼田廬徑漂有高下麻豆滿塢魚  
東西隔岩飛流送人語對面喧風吹馬蹄祇今莫辭  
柳栗杖與子更上巔屹梯登高意遠會有極回首烟  
海令人迷

### 歲晚次韻荅李在明

墨鄉守墨不作惡歲晚來就醉鄉公何人唔咿驚夜  
半大雪北窓歌國風

### 東門行二首

時節城火第宅遭燬故有此作

春風顛狂卷地起吹動江城寒劫灰江城千家丹碧  
窟過眼不復餘樓臺九轉媚龍竟為尔六尺海鷗安  
在哉平原無人金谷散惆悵東門歸去來

### 其二

松枝可餐不可久蕨萁可春難入手書生負業值無  
年翰墨千困不充口烟州何客釣寒魚江郭誰門倚  
殘柳琴臺歌管無處尋惆悵東風幾回首

### 江行禱書

荒城日薄秋江長穰野熟秋風香青天茫茫不知



處扁舟卧入菰蒲鄉菰蒲波深魚鴨樂遙林墮影同  
飛揚平生見盡魚此本便欲默寫懸高堂須臾雷雨  
漲深墨漁戶悉閉收牛羊篙人軟語似憐我物蓬蓋  
頭編蒿床此時殘暑尚什七怒酒幸為清蚊蟲無人  
靜覺物性出蚯蚓草虫歌晚涼銅山乳竇青最遠羞  
縮不似來時妝但餘田鳥如匹練雙、飛點暗烟黃  
山川一日幾變態人事百年安可常停舟起問魚酒  
戶此地幾年成戰場虹梁羽化新起廢白骨無數埋  
前岡惆悵令人百憂起飲客正酣歌發狂坐中悲樂  
誰竟是歸來玉兔搖滄浪

吳姬曲五首

吳姬來吳船蕩漾湖花開隔堤迎咲欲飛舉不用女  
年多榮催問君青春得幾許看取架上紅玫瑰

其二

吳姬歌、聲宛、歌情多當尊一闋且呼酒酒遍餘  
聲無奈何春風顛狂亦如我坐見花外搖湖波

其三

吳姬舞朝看成雲暮看雨偶然欲咲一回眸錄段金  
錢落如土誰家學取野死央終日癡迷弄沙浦

其四



吳姬醉濃花爛蕙春惟悴當筵賭令諱空拳忘却拈  
三并數四坐中癡客倦偷看翠躡雲翹歌不墜

其五

吳姬歸潮光燭影紅輝：中心有語不敢吐安得作  
月生汝衣明朝花下更須醉放取後園鶯燕飛

達觀亭歌為建康徐氏作

天風颯爽岩曦開雲溪縈環芳樹來林棲鳥處眼未  
識何人捧勝誅荒萊仙跡著人清辟易徐即襟懷趙  
即筆經營須通小鬼意開鑿曾煩祖龍力高亭一區  
猶絕塵滄浪捧足芙蓉雲憑危醉歌漱花氣九衢塵

土何紛々客來問名：達觀對此心情轉蕭散想見  
千秋爭戰場只把雲霞眼中換浮名絆人滋可憐飛  
鴉落日釣窓前何時真脫塵纓去我自網魚君刺船

春愁曲次劉正仲韻

山翁隱居鴈蒼谷春樹年々為翁綠耕休坐樹作勞  
歌山光水影相微逐歌成無人祇自娛行人頗恠歌  
聲殊循踪歷々見井舍恐是避秦來此居花烟溟濛  
亂晴兩山前倉庚後杜宇客來不喜亦不驚但道寒  
暄無俗語山中今歲是何年黃旗微樹裝樓船淺村  
已尽到深谷達人未說先淒然憂來宛轉歌不已我

樹非材端後死列子樗園五陵當日蕭如雲如今何  
處悲風起山南老農亦不憂机淺不為妻子謀日高  
飽飯牛背坐日暖放牛溪上遊人生逐名被名誤十  
年車馬長安路長安路絕雲霧昏歸來棄筆尋農具  
舊遊年少難與隨夢境一笑難重追惟有剡源

相思望斷天西垂

正仲復有倒和春愁曲之作依次奉答

漸老之日來垂、已去之日不可追傷春畏老兩作  
惡世事嘗與愁人隨忽得君家遠愁興行歌日、春  
溪路不知愁緒逐詩來更惜芳顏被春誤王孫草暗

誰重遊曲江痛哭窮叅謀燕騎琵琶渭城酒居人不  
覺行人愁行人欲歸瘦念起白髮逢春心未死水流  
花落無處尋燕去鴻來何日已溪村此日更蕭然強  
笑為君呼酒船黃鷄喚日不待曉蟠桃一熟三千年  
草間管樂真浪語烏雀應門蓬柱宇祇餘平世畝畝  
心夜半吳吟泣風雨高人與虎能同居壯士斷蛇應  
不殊年高漸欲置憂患每賴君語相調娛昔日劉郎  
悲放逐看花惆悵春無綠何如今日春愁曲爛醉狂  
狂白雲谷

題趙子昂畫馬



趙子奇才似天馬頃刻飛龍生筆下畫成撫卷復長  
歌坐客喧々不傳寫蹄勢經鞭秋跌蕩鬃毛出洗風  
瀟洒似嫌文綉減天真盡脫鞍韉轡輕把青袍洗足  
巧眉睫默坐奚官亦聞雅聞雅我來一見驚欲拜曾識鑿  
和趨廟社千金朽骨古猶惜况此難分毛色假瑤池  
路斷伯樂盡日暮嘶鳴氣啞為君昂首一慰意猶  
勝無逢老岩野

南山下行

南山高北山高行人山下聞叫號  
山死者何姓氏  
累々骸骨橫林鼻鳥喧犬噪沙草白酸風十里吹腥

臊中有一人稱甲族蔽膝尚着長襦袍不知嬰觸為  
何罪但惜貴賤同所遭妻求抱尸諸子哭鬼氣滅沒  
埋蓬蒿人言投身繇貨寶山村豈得皆權豪一言不  
訓兵在頸性命轉眼輕鴻毛龍爭虎鬪戰未決六合  
一穿何所逃振詩坐石望太白寒林夜籟聲潦々

相逢行贈文伯純同年

昔日相逢面如雪今日相逢面如鉄  
人生年少得幾時動作風塵十年別  
十年別久未為惡頻見六無年  
少樂寒樓夜雨金鎖夢故園春風白袍客  
雕鞍駿馬紛々來西城亂花春漸開  
與君追逐覺老醜一笑且



醉高陽杯相逢得醉今日好醉眼相思還易老只圖  
留君日、醉、裡忘却江南道

壽陳貴白

祝君以陸地千蹄牛君言不如扁舟江海狎浮鷗祝  
君以通侯尺二組君言不如草屋三間卧風雨富貴  
何人不解頤君視二物如兒嬉我今壽君之無物但  
有聾牙佶偃村田詩我歌詩君進酒客主謹譁起相  
壽尋常此日費千金京洛奔馳今白首江風颭、吹  
黃塵對面樓臺不見人與君漂泊為何事一笑幸是  
山林身寡語薄味足以養氣少求簡出足以養体奇

章鍾乳本斧斤胡廣菊潭堪唾涕君不見南方鼎、  
五色龜窮年引息不嫌飢又不見曲轅擁腫百圍木  
匡石弃捐反為福蝸封蟻壤何足論歸來未廢蓬蒿  
園我更搜詩君釀酒通家德公有賢婦

春溪惡寄孫常州

孫有約不至

春溪惡日、春風吹過客千車萬轍不相嫌一客欲  
來吹倒却旁人借問客為誰咸淳朝士今布衣声名  
欲隱人自知君不聞孫興公逃走入黎州峰子孫  
百世居峰下往、翰墨餘仙風鷄衣藿食何足恥頭  
白河清吾点俟向來南面五馬車只軟思山一盃水

青牛處、迷行踪白鶴歸來餘故宮道逢樵客知去  
遠遲君不來山日晚溪水猶能作吳語似續君家遂  
初賦

碧桃花歌為王丞作丞名子兼字達善丙子家  
燬於大瓦礫中自產此桃

君不見孔家藏書屋、壞猶聞起絲竹又不見鄭家  
註書老書帶後來垂作草如今王家萬卷文字林桃  
花一樹春沈沈、花成不勞主人種花落更同山客吟  
從來春花重萼不綴實此花可觀實可食我擬天公  
出奇物來壽主人并餉客春前待花、下狂春後待

實林下嘗定知此桃不作尋常草木味祇作舊時文  
字香王夫子多釀酒春風亭館何處無天錫名花祇  
翁有從翁乞醉三萬日仍今醉後花泛筆間出

王丞分惠碧桃樹再賦奉謝

木星之精天上遊春風歲、蒼龍頭偶然根葉著下  
土散作人間百花樹莫疑君家此花無種生定是天  
上蒼龍精白玉之跌青玉簇開花既奇成又速三年  
方駭大如林五年已見高踰屋我來吟作書林花烟  
塵萬捲重抽芽君家元有孝義種來自青州丞相家  
為君出芝草芝草那能千日好為君結琥珀瑤珀恐



為貪者獲不如此花混在春花叢歲，與客同春風  
春風同賞復同吟願與主人同好心更令此花分作  
千百本處種成君子林

贈趙子實

北風吹汝溪倒飛白日未落山中歸千邊萬覓不相  
就誰信有人穿翠微幅中大帶長孺袍韋篋錦囊鮮  
綵毫名門發身合燕頤一經傳家真鳳毛坐車侯羸  
吾不讓白社寒林氣清放駉麟翳鶴誰不能要識神  
光牛背上蓬萊山丹霞谷天仙留書三萬軸聞君暫  
去還復來許君細和滄浪曲

積雨小霽喜袁太初舒耕茶雨生至

春山日、寒風雨一日天晴花款舞林暄洞屋散窠

<sup>開</sup>煙水活溪岩落水乳嗟予鬱、無所適方對青山一  
聞戶蒼袍紫帽雨少年健足齊拔氣如虎名區入眼  
疑未快忽肯捫蘿到茲土霜蕪處、稀尚摘臘酒家  
家寒未煮相看氣味太村野自喜談諧少城府舒即  
十八白眉長四海龍門有名父袁即皎潔巧步趨出  
語珠圓吾所許人言風骨頰晚秀早慧說、天謾與  
吾評此論殊未公峻詆曾經孔父舉歌成高軒已年  
倍賦解鳴蟬客客覩吾山雖窮有靈跡雪瀑丹崖相



媚媼留君待作大雷吟莫學癡兒生吳語

謝李仲賓墨竹

君不見李侯筆端如渭川頃刻正紙生琅玕霜柯雪  
幹鉄石色忽作小小烟雨寒問君何從得此本湖洲  
媿濃眉州軟風軒月檻一相逢妙趣不與人意遠人  
言學畫先學影此君風骨青雲並林深有路鳥聲真  
日高無人山氣靜平生見此我不踈逢侯得畫兩有  
餘從今洗眼空山底更讀人間瀟灑書

題王敬仲野亭

宣城

王家野亭蒼翠邊秋山萬疊相鈎連披衣曉霽伴雲

坐散髮夜涼湏月眠主人清豪亦好客常有車蓋來  
翩、門開無煩鶴通謁酒散有時風掃筵問君生涯  
幾何許笑指渺漠滄洲烟朱門千礎扃婵娟豪絃急  
管爭媿妍何曾一日能免俗稍來對談心燕然古人  
去遠吾不識今日汨沒難為賢長公高談少公和魯  
山伯鸞相後先名成但恐累隱趣莫遠如語人間傳  
贈彈琴衡山蕭道士

寂、歷、不足聽、久亦復難為情名嗔勢忿火如  
屋袖手對此湏更平一拊再拊玄鶴舞三四拊之淒  
風生天寒歲晚行路遠湘水日夜東南傾

送葉伯幾赴奉化縣 杭州作

君不見東海鯨龍子學飛便逐風雲起又不見西域  
豪馬駒墮地一日能馳驅葉家翁季亦如此一徑接  
武成師儒毛錐如風腹如筭快書疾讀三千字頗聞  
曾下仲舉榻不為頻通禰衡刺墨書翩翩江上來吾  
州自古多賢才裴瑟携硯速相就為子歸掃山中萊

仇山園 為仇近仁作

仇山山下仇山人白頭宦學走風塵問渠家在山何  
處雲氣漫漫不知路詩人作事例多癡蓬山且盡且  
題詩不如隣貧不識詩與畫一生耕釣仇山下

赤泥嶺行

種桑三年寒得衣養犢作牛堪挽犁生男祇解戀鄉  
土五日溪舟催父歸行前倉庾後杜宇去家漸近聞  
剡語恨身不作田舍兒騎竹擲沙遠墻戶人生衣飯  
取裁足阿奴碌碌猶類福獻書覓舉真下策年少奔  
馳頭已白君不見燕山萬里客更難赤泥嶺上春風  
寒

五律

三次韻寄戴祖禹

同分剡溪派自喜小王書野鶴調驍馬  
濃香薰蠹魚  
歲時趨闕里早晚上公車與我真兄弟  
風流但不如

茗溪

六月茗溪路人看似若耶漁  
冒掛棕櫚酒舫出荷花  
碧水千塍共青山一道斜  
人間無限事不厭是桑麻

道桐川歆訪梅右司不知其處

桐川瀟灑處面、碧芙蓉峻塔當  
閑獨清溪抱郭重  
市多吳客語祠有漢時封  
欲覓梅仙去知藏第幾峯



故總幹潘伯可從大挽詞

落、知難久堂、竟不還江湖官七品風雨屋三間  
已矣烏頭白嗟乎豹管班兒曹莫輕脫英爽在空山

二

得死何須哭偷生正可疑倉皇歸印日慷慨却金時  
規矩諸郎有襟懷我輩知平生郭有道消得蔡公碑

和節善之秋興文原

鬢髮日夜老神仙那可求楊雄識字苦玄宴著書愁  
碧酒紅蓮夜朱絃白鴈秋論心得少暇同上最高樓

二

鶴化城猶在龍移井未枯百年吾道半六合此身孤  
西日栽花屋東風賣酒壚狺狂覓耆舊處、土音殊

渡長泖投小蒸邵教授宿

清曉浮双槳黃昏值一飡風鳴長泖浪雲掩小蒸村  
饑極知鱸美驚還覺鴈喧同袍思有麥燈火細温存

客遊

客遊吳楚地最好是秋天三泖團臍蟬双溪縮頂鱖  
桂林雲頂寺蘆蕩月中船酒醒佐嫌鴈猶勝聽杜鵑

自宣州至湖州風雪中十日始達

江湖老未休十日走三州南雪馬没耳北風船打頭

窮猶携筆硯寒欲貫衣裘漸喜家鄉近見童浙語稠  
十二月二十三日華亭小泊華高斤方通潮  
一、歌遊處今年又寂寥鷄聲生鳩樹辱氣雜江潮  
班白尋遺老丹青詭麗誰哀懷緣子女不憚往來遙  
次韻答應德茂雪後遠寄

山中不來久何處度殘年人悶如中酒林荒似禁烟  
拚茶冰箸煮移枕雪篷眠更肯狂歌否春風吹去船

贈上饒道雲仲

江上青雲客天邊白馬生百年文物似一席咲談傾  
問舊能枚舉論財比芥輕徘徊三自好可便濯莖纓

送鄉同舍黃君賞謁陳提學

六館賦聲在五陵遊伴稀如何趨仕板猶自著儒衣  
春晚鶯羞語城寒花慢飛江湖陳仲舉相見肯空歸  
六月朔日再會再次韻典胡氏謹避暑

臺屋深難暑湖林近易涼高歌送長日醉眼睨涼空  
雀舌纖：碧鷄頭淡：紅行藏教子別談笑一樽同

次韻蔚上人見寄

流落誰相憶山林蔚講師玄机魂夢接詩力髮毛知  
舟去須尋處書來不記時君看東海月今夜亦追隨

道衡書寄求詩



烈士蹈東海公仍歸白雲龍藏誰願蛻鶴玄去不隨羣  
道貌青難寫香風遠自聞人間塵垢子差讀徑山文

次韻蔚講師新春之贈

每見輒自失春風双鬢斑詩囊貧裏富藥市鬧中閑  
甃路通湖寺敞樓當郡山清緣事、足聽此屢開顏  
史昭甫招陳宗魯之長興

之子滄浪去三吳西更西白鹽專菜脰紅酒稻花鷄  
地少驚雲滿天空見日低歸囊看爛熳佳客醉留題

風雨行湖山村

風雨湖山暮屠村又鮑村烏巡漁退艇犬認獵歸門

天作堯雲暗溪憑剡漲喧十年燈火伴草次共魚殮

詠蚕

物亦有仁者蚕功不可量將身甘鼎鑊與世作衣裳  
過樵蒼雲濕登山白雪香未知龍種似猶與馬羣妨

柏坑

西去疑無路誰知是剡津行多收柏客住有掘花人  
寺隱山前古村經水後貧時、百里外來此祭田神

證道寺

穹環青徑斜自是野僧家滿澗瀉岩液掃天排石牙  
爐寒餘柏子架靜落藤花記得逃兵日門多貴客車



喜王丞病較

徒窮已難忍，那許病經時。學到自無鬼，命強容有醫。  
飯為扶壽本，書是解煩資。便作天台約，山行未覺衰。

丁亥歲除前二日書事

索々寒搜客，沉沉雨洗年。殘林生獵迹，歸鳥避窰烟。  
節物杯漿外，溪山鬢影前。行藏都未定，筆硯底能捐。  
寄雪竇同長老，嘗許畫蘭不至。

高々山頂寺，更有最高人。定起松鳴屋，吟圓月上身。  
雲藏三伏熱，水散百溪津。曾乞蘭花供，無書又過春。  
勤城火後見光遠。

火後丘墟市，兵前風雨春。那知携手地，俱是皺眉人。  
海柳吟猶弱，山鶯聽未真。明朝各分路，何處避風塵。  
客言劉樗翁事

俗薄名難盛，人窮迹易危。從來天下士，不計里中兒。  
隱玉看虹氣，陞松任蠹枝。相知不相識，况又不相知。  
蔣老仁監簿挽詩

家厥宣和後，官名德祐前。不圖諸老盡，竟得一身全。  
月旦懸虛鑿，中箱有秘篇。堂々何可得，誰乞畫圖傳。

二

照席鬚眉古，傾筵咳唾清。緋魚前進士，刀筆老儒生。

政熟元無譜書高別有評百年茲士少諸彥自偏名

四十

四十不解事真成無用人交遊青草盡塗路白雲新  
漸覺名妨靜難將學濟貧堂々楚龔傳猶有隱流嗔

夜坐

愁鬢丁年白寒燈丙夜青不眠驚戍鼓久客厭郵鈴  
洵々城噴海疎々屋漏星十年窮父子相守慰飄零

晦亭

東海窮詩客西風古驛亭髮從殘歲白山入故鄉青  
世事徒三窟兒童且一經丁寧速賒酒煮果試沙瓶

孫常州挽詩

白髮何人在青山此老歸殉携貧日硯斂着賜餘衣  
文物謳興滅園林鶴是非諸公莫惆悵英爽世間稀

嚴提舉挽詩

判得身煨燼歌銘尚爾為可憐蟬脫蛻還許豹留皮  
剡水歸來棹柯山看斷棋平生觸心處臨卷費相思  
霖雨溪漲抵郭可畏

黑雨連三白黃流迸一川盡漫騎馬路祇有釣魚船  
城郭功如此江湖興豈然兪曹却輕捷來往似飛鳶

夷齊



夷齊棄封國虞芮讓間田如何後世士尺寸事爭喧  
鄰居有愧恥况復兄弟間掩卷三歎息古風何時還

贈針醫范秀才

不但針經熟言談語々真煉形如鉄佛信手合銅人  
祕攝魚千里空飛鶴當輪功成倘相挾平地脫風塵  
遊登袋寺々出茶筍甚佳獨無杜鵑

苦雨忽相貸名山難久孤春泉新雀舌野苑嫩龍鬚  
土宇錢王日風烟釋氏徒行人逢不問松吹自傳呼

二

路絕猶人跡山空惟水聲如何芳樹裡不著杜鵑鳴

筍市層々出苗田寸々耕緇流太清朴亭榭不標名  
偶得中樣問老匠云正古漉酒中也

漉酒陶元亮名傳高有中方成執鞭志更著捧心人  
待菊須簪髮臨流擬袂塵乃翁真處士吾党祇間民  
又作散愁

說窮人不信欲說更何為日永書牕覺霜濃病骨知  
家兵潰後交絕廩空時頭白風塵境消磨尚有詩  
太學至冬日同齋朋友先以兄弟叙拜訖遍詣  
諸齋行礼出遂置酒湖口上衣冠談咲之樂至今  
栩栩在念間也因至日去近二十九和為正仲道之



畫閣東爐早黃  
廡曉燭遲名  
函僮僕滿齒  
拜弟兄疑  
歌酒神仙舫  
衣冠宰相碑  
如今窮海上  
送旅話襟期  
舊里火後  
多有築宅者  
太平客戶也

人說離鄉賤  
歸鄉更莫論  
許詢家莫幹  
杜甫客東屯  
廢井微踪出  
新鄰襟語喧  
平生江海意  
歲晚白榆村

### 食淡

世亂謀生拙  
村深食淡能  
沙蔬羹白煮  
山稻飲紅蒸  
暑豉方傳友  
寒糟共學僧  
庖厨尚如此  
未嘆室生水

### 寄謝王侍御

雲氣蓬萊閣  
霜威獬豸冠  
耽書真柱下  
執法更臺端

步驟三台近  
声名七郡寒  
誰知階級禮  
許為腐儒寬

### 久客且歸留別郭于昭憲椽

久客令人厭  
初春乍許寒  
飛蓬妨覽鏡  
脫粟愧加餐  
坐有誇年醕  
門誰住馬鞍  
重來會相見  
老性恐悲歡  
趙壽父遊杭

東浙飢難住  
西湖遠不多  
好辭松葉麪  
來聽竹枝歌  
水屋花千繞  
岩林錦一窠  
秋深道塗好  
老子老婆婆

### 隣友疫

歲惡灾妖熾  
人窮性命輕  
如何赤髮鬼  
及白眉生  
恐楚嘗親藥  
傳哀寫子旌  
鄉鄰拘俗忌  
哭市竝魚聲

老態

老態誰能脫中年子自如丹貽三轉候卦氣一周時  
倦動身如客單眠力勝醫看書三漸懶意到或成詩  
頓寒懷單祥卿教諭時新開酒禁

霜花一夜白風葉滿村黃欲出歲華老相思江水長  
留枝遮鵲戶存蜜補蜂糧想見山行處開尊濁酒香  
蘓伯清席中領張仲賓所寄二詩兼聞陳無逸  
已從湘南官滿歸養喜而有答仍次來韻

我愛張公子清言氣不低湖漭隨市轉亭樹與城齊  
杯酒方花下扁舟又水西祇愁騎馬滑難惜錦彰泥

次韻蘇教授立春書事

病老空山客寒行積雪春麥苗青有主桃板粉成神  
短策陶元亮輕舟賀季真征徭幸不及游眺雜間民  
讀閭風題林隱詩追和贈汪秀才

山林一跡地塵土二毛年避世書為屋謀生藥當田  
卉衣從俗製蔬供學僧煎馔：滄溟去今誰魯仲連  
送謝教諭

聞說龍泉縣儒風最可人墨池十澗縮石室四小鄰  
北學終連剡南音漸帶閩我冠作賓客磬折不須頻  
蝗來



不曉蒼蒼者生渠意若何  
移蹤青穗盡眩眼黑花多  
害慘陰機賊殃踰蠱毒蛾  
秋林幸痛快一捲向滄波

丁丑歲初歸鄞城

城郭三年別風霜兩鬢新  
窮多違意事拙作背時人  
雁蹟沙場信龍腥瀚海塵  
獨歌心未已筆硯且相親  
夜坐示友

夜久燭花落淒聲生遠林  
有懷嫌會淺無事又秋深  
黃葉歸田夢白頭行路吟  
山中亦可樂不似此同襟

宿永固寺

小寺如山艇坐未風雨  
宵榻分樓樹影饌帶菊花苗

親近談難藝狐馴聽不妖  
許由渾欠達嫌到野中瓢

孫太監挽詩

餘姚人

禹穴收雲氣滄江亦斷流  
真成掃地尽同作上天遊  
銘誄看遺史衣冠入隱丘  
空餘平此眼曾望李膺舟

二

穆祖收英俊斯人晚更成  
白頭真老監褐服舊諸生  
仕国餘波遠儒鄉巨棟傾  
蒼蒼無處問西望累吞声

風雨遊大小蒲

海塢秋風裡無棕眼亦開  
潮衝烏嶼長雨過象小來  
畬戶收牛種漁丁拾麈胎  
乘桴吾豈敢人說近蓬萊

方處士挽詩二首

不謂高名下終全玉雪身交猶及前輩吾不似今人  
別號行鳴雁遺編感獲麟欽儀應自定只著古衣中

二

不比他人死何詩可挽君淵明元嬾仕東野別攻文  
滄海諸公淚青山處士墳相看莫浪哭私謚有前聞

宿趙岷丞家

溪山兵後縣風雪旅中人迫夜愁巖鼓衝寒託軟巾  
摧藏名自在疏率饌殺真今代徐元直高風自可親

社日城南山作

社日年々兩江花處々春漸成垂白老不見踏青人  
榆柳邊聲雜龍蛇歲事新端來近城郭猶自厭風塵

梅山

梅尉功成後安知不此來路逢耕者問山是化人開  
樵隴低通海茶村煖待雷談玄亦可隱不用墾蒿萊  
趙君理約同途不至

待子不來久烟山春樹青為吟天外句更立水邊亭  
兩煖催科斗雲深長苾苓鄰居亦有約休待鬢星星

送双溪汪和仲住象山見周使君兄弟

五馬天邊外双鳧海上翁白頭真避地黃卷舊趨風



歲月搜詩老山林把酒同漂零誰得去羨子逐飛鴻  
聞應德茂先離堂溪有作

落日蘆花雨行人穀樹村青山時問路紅葉自知門  
首着穷詩味芭蕉醉墨痕端知棄城市徑席許頻温  
交秋不雨

淋水飛成雨焦田灌作秋江湖双趺底伏臘兩肩頭  
鰕蝗知何罪蛟龍自不憂吳兒有高廩正蕩采菱舟

曉行

漸々路可識紛紛山轉多數鷄啼遠塢一鳥起滄波  
藤杖溼雲石筍鞋濃露莎何人尚高以層搆着煙蘿

同諸子行上取山

白石秋更潔清溪寒自鳴牛羊爭道路鳥雀聚柴荆  
野果高低熟山田早晚耕吾歸任衰懶見輩託平生

晚投韓采岩

冬日寒難暝岩溪淺易冰援飛紅果嶂人度白雲層  
望屋多依竹逢樵半采藤艱難吾甚厭何處學孫登  
下却長塘小憩示陳養晦

野水通田白村山貼縣青兵荒猶古道暑暘且長亭  
稻地晴耕犢瓜田晝撲螢吾詩不寂寞細詠與君聽  
此地

又說風塵起人來似水流  
飢窮餘此地嘯聚是何州  
野白荒、濶雲橫莽、浮相逢  
問田父未可賣耕牛

送徐生仁榮侍親遊山

早識梁松拜居成潘岳遊  
一年歸雁兩四月落花秋  
溪味涼供酒山声畫入舟  
歸來傳新語莫但作吳謳

簡元王劉併寄意王理得君玉

見說頻相憶新年已西書  
雪肥秦望草春動鏡湖魚  
繭紙堆成屋烏蓬走當車  
諸公有遊事少待意如何

紫溪郎義翁挽詩

先君老友最是後凋人  
開館日千屨藏書山四鄰

門迎新印綬壙掩古衣中  
會哭皆英俊哀風暗海塵

題陳秀才溪山佳趣

城郭尋、盡溪山宛、來同誰  
遷蠟屐為子破蒼苔  
書欲爛斑設花須爛熳  
開趙即題墨妙煙霧眼中開

東離湖州泊南潯

張帆出東郭沽酒問南潯  
畫屋蘆花淨紅橋柳樹深  
魚艘寒滿港橘市昼成林  
吾道真迂濶浮家尚越吟

次韻答寄閩風舒先生

聞說薜岩老風情不減前  
菊盤秋熟蟹竹枕晚涼蟬  
碑碣僧頻謁詩囊客自編  
梅花紫溪路一別又三年



送陳養晦教諭之象山

聞說橫經處潭，坐翠微開窓。是日出拂席，有雲飛  
藥市山、古魚餐水、肥新篇應爛熳。休遣逋筒稀

趙孟種脩職挽詩

辨得從容死，知渠磊落人。風雲數世津，玉雪百年身。  
譜牒罔經舊，園林墓道新。不知江海上，更費幾沾巾。

送羅學正赴歙

文公湯沐邑，子去作儒官。馬首千峰秀，鶯聲二月寒。  
山畬攢俸納，溪友借書看。近日科名濶，青雲上不難。

杜子問赴建康南軒祠長

祠花亦可愛

一席清溪上，深衣雪鬢翁。揮犀談孔氏，釋菜禮宣公。  
堂饌淮鮮白，賓筵楚醴紅。花臺無恙否，回首幾春風。

己亥歲歸過泉口紫芝山傷謹講師

行路夢猶在，入門人已非。山青古佛頂，雲墨祖師衣。  
賭奕曾同拙，看真似欠肥。百年誰免此，只合早忘飢。

三山鄭君挽詩

近日經師少，人中又哭君。遺編空白屋，同列盡青雲。  
塵土千金產，湖山數尺墳。絲、梁肉種誰得，致斯文。

送穿上人還里

但得扁舟便，春風處、行定中三竺。月禪外五

海角雕胡飯山畦玉版羹清緣倘相就談咲解塵纓  
褚村豪赴山陰和靖祠長

此老真迂濶白頭方出山一燈河洛後千礎剡湖間  
講鼓驚雲動書船載月閒可無容席地容我了躋扳  
逢翁舜咨

相逢渾不覺祇似宛陵貧裊々花驕客滿々雨淨春  
借書消茗困索句寫梅真此去青雲上知君有幾人

舟過嚴州

溪石茸々出水泉滴々懸銜杯仙洞頂挂席客星邊  
古岬魚為市窮鄉蠶當田生涯著處有奔走愧華顛

招王奕世

聞說銅山下書屏四面開就僧羨紫筍共客席青苔  
鐵畫年俱長霜根頂未栽何當端午暇一別剡鄉來

再招奕世

雷晚還多雨山寒只似春野榴開向客新筍長過人  
一寸書看懶三义路走頻王郎肯來否談咲共南鄰

山中

野水晴猶漲春雷晚始鳴地閒無堠邏山遠有蚕耕  
身世通寒暑交遊半死生方知一杯酒真勝百年名  
七月初五夜養正堂示諸友



客裏猶多事秋來又一旬  
青天星斗注白露稻梁新  
留落空存節矣涼莫問人  
儒堂得佳伴吟諷動比鄰

袁提幹挽詩二首

短世誰無死深山獨有歸  
送車晴起霧埋塌夜生輝  
晦朔雞鳴在江山鶴夢非  
剛言仁者壽近事例多違

二

我昔携家走君曾掃榻招  
亂離心易感生死義難消  
雅魄歸泉壤潛光出市朝  
平生五字苦寒泪洒山瓢

單漕貢君範挽詩

竟抱遺經死斯人之可哀  
傳家一夔足涉世萬牛回

白屋身空脫青山子自閑  
樵蘓且莫近玉樹烟泉臺

久客鹿頂丞張景山寄詩次韻奉答

但得無拘束身輕處、仙清談  
煨芋夜陳夢種花年  
水竇羊腸折山籬鹿眼編  
詩來正清絕松下忽聞鶻

七律

乙亥歲毘陵道中清明

百年只有百清明，狼狽今年又避兵。  
烟火誰家寒食禁，替裙那復麗人行。  
禾麻地廢生邊氣，草木春寒起戰聲。  
渺渺飛鴉天斷處，古來還是闔閭城。

丙子除夜

富貴如今似駭机，漂流未遣壯心違。  
鄉鄰有酒貧能醉，村落無醫病亦稀。  
客任低頭從狗竇，妻休掩面對牛衣。  
十年涉世渾如此，除却躬耕事亦非。

杭城風雨中簡趙子昂



五月錢塘風雨秋懷人頻倚面山樓雲收樹色遙成  
海水學江聲暗入溝一斗終輸無事飲千金不買辟  
寒裘自憐寂寞無玄學車馬門前過似流

東湖第三溪上皆史氏故第

日晏霜濃十二月林疎石瘦第三溪雲沙有徑縈寒  
燒松屋無人鳴晝雞幾聚衣冠埋作土當年歌舞醉  
如泥早知涉世真成夢不棄山田春兩犁

史亭父挽詩

玉食蠅蚋非壽資清懷猶勝幾男兒壺觴竹壽尋秋  
月燈火荷齋聽雨時補衲有衣曾禮佛吞舟無訣莫

憑醫平生瀟灑文王學地下相逢且說詩

吳允文叅議同登金陵鳳皇臺醉作

百年訪古此徘徊更上山柵掃草萊一畝地腴胡馬  
瞰數圍天險祖龍開時聞營籍傳謠曲誰見禪宮離  
劫灰李白不生王謝歇西風日落鳳凰臺

越城待旦

策々虛樓竹隔明悲來展轉向誰傾天寒胡雁出萬  
里月落越雞啼四更為底朱顏成老色看人青史上  
新名清溪白石村有五尺烏犍託此生

林村寒食

出門楊柳碧依依，木筆花開客未歸。市遠無錫供熟  
食，村深有行誅。生衣寒沙犬逐遊，鞍吠落日鴉啣祭。  
向飛聞說舊時春，賽罷家鼓笛醉成圍。

寄天台舒閩風先生

初丙子同辟兵台之硤石

嶺雲盡處是台州，有箇詩翁住下頭。不寄一書春又  
晚，相思百里水空流。新蹤凍合鶯雛谷，舊夢花迷燕  
子樓。聞說道旁烽燧急，定應重作峽中遊。

火後

當年歌酒留連處，火後來看一惘然。倚水幾家初繫  
馬，入春三月未聞鶉。炎涼世事殘城樹，歌哭人聲去

客船不是危腸折，醉得顛狂無處著詩篇。

過應浩然先生墓

人間萬卷龐眉老，眼見堂入草萊。行客須當下馬  
過，故交誰復裹雞來。山花不語如聽講，溪水無情自  
薦哀。猶勝黃金買碑碣，百年名字已烟埃。

劉正仲至寶山不值主人而去次韻奉寄

日、松間過數啼詩成，忽在水雲西。何人夜榻愁聽  
雨，無數春船倒上溪。燕筍出時斑豹美，鳳花開處杜  
鵑啼。東歸更踏來時路，醉筆山廡取次題。

遊陽明一洞天呈王理得諸君



禹穴蒼茫不可探人傳靈笈鎖烟嵐初晴鶴點青邊  
嶂欲雨龍移黑處潭北斗齋壇天寂東風仙洞草  
甦堪憐尹叟非關吏猶向江南逐老眸

送旨上人西湖并寄鄧善之

聞說西湖也自憐君遊更傍早春天六橋水煖初楊  
柳三竺山深未杜鵑舊壁草生尋舊刻新岩茶熟試  
新泉城中好友須相覓西蜀遺儒解草玄

辛卯

臘月今年只今夕春風明日是明年狂歌把酒屠蘇  
地醉眼看梅霧淞天碧玉千壺喧坐次紅牙六博闌

飛錢頭顱雪白心情在聽說承平一惘然  
拜袁越公墓因遊定水寺有懷源老

迺翁已作飛仙去猶得潭上好墓田老樹背風深拓  
地野雲依海細分天青峯曉接鳴鍾寺玉井秋澄試  
茗泉我與源公舊相識遺言瀟灑有人傳

陪阮使君遊玉九

花滿車茵酒滿觥亂雲堆裏訪枯禪村源何處無芳  
草人靜有時聞杜鵑神屋畫飛青磯磧靈潭陰罩赤  
蛇涎居然悟得松風夢回首廬山二十年

雪竇飛雪亭和孫使君

匡庐亦有千尋瀑無此凌虛翠玉臺身倚老松天上  
立眼看飛鳥雪中來山神禁肅誰投唾木落魂清得  
浣埃見說下岩堪對望道人臨壑剪蒿萊

邑中滯雨示陳貴白

猶及相逢鬢未華故鄉春盡不須嗟園林處處生新  
草風雨年、送落花高樹晝寒歸有鳥小溪湍急走  
如蛇方知傲世不在隱高枕北窓聞打衙

十月朔旦寄貴白兄弟

黃牛村前秋葉飛青螺峰外海雲歸故人相思雲滿  
鬢客子獨行風舉衣烏鵲定占誰屋喜鱸魚知比去

年肥當時歌酒江湖上百里音書今亦稀

次韻任起潛謀隱之作

江邊秋日逢任子大醉索詩吾欲狂為問山資何次  
第祇餘丹訣轉淒涼黃金范蠡曾辭祿白首虞翻未  
信方千古浮雲共歸意曉風城郭水花香

晚秋遊中溪四首 戊子

淡竹岡前沙雁飛小花尖下柘丸肥山雲不見雨自  
薄天氣欲寒人正歸招伴祇須新稻酒臨風猶有舊  
苔磯風流鬢髮蒼、在恠石老松今是非



經秋溪水碧洄、無數曉山如鏡、臺紅葉流從龍輿  
出白雲飛向石門來、三逢紙戶曾相識、尚有樵蹤且  
莫回端為何人作風物漫山漫谷野花開

三

休折山中松桂枝、溪魚六小莫垂絲、沙田翻白收稅  
後霜樹着紅裳、柿時日落牛羊歸、徑熟天寒烏鳥向  
人慈、出雲數里成官路、問事如何總不知

四

樹淡雲濃又一坡、招邀處、是行窩、梯岩危似蟻緣  
木、駕屋高如鳩結窠、水味野、栽莢白、瘦小毛人摘芋

紅多行年四十不稱意、更欲客遊知柰何

春夜喜陳汝海見過

迺翁治獄多陰德、之子論文有古風、尊姐祇容吾黨  
共衣冠、能得幾家同書林、有業何妨隱、徐籍無名莫  
怨窮、百歲相期今夕意、賴君咳唾起諸童

鄉君子肯堂董君分教貴溪作詩奉寄

舟車赤日千餘里、筆硯清風二百里、年開口人知宗洛  
派、舉頭身欲近、闔天絺袍涼、擁松皮几、桂酒春浮藥  
玉船、猶有英髦臥空谷、間將名字訪華顛

次韻答陳汝高

蚤種青蒲已滿溝，意栽黃菊亦成丘。不辭西日射牛  
背，尚勝北風吹馬頭。新雨客踪塵鎖几，故山秋淡樹  
藏樓。樓艱難終竟鄉情耐，準擬行窩處、留。

次韻寄陳達觀少府兼簡叔高

懷人路絕雲歸海，避俗門深草蔽丘。萬事漸消閒客  
夢，一生虛白少年頭。山蠻叫後從除架，淮雁來多莫  
上樓。近日鄰家有新釀，每逢詩伴得淹留。

過清涼寺王參預墓下

江左風流廊廟人，荒墳拋與梵宮鄰。多年羊虎猶眠  
石，敗敗壁貂蟬祗貯塵。萬古雲山同白骨，一庭花木自

青春永思陵下猶凄切，廢屋酸風吹野薪。

送僧無等遊華亭

華亭是我曾遊處，記憶端然不作疎。地帶三吳猶杜  
麗，人經二陸自詩書。輕身羨尔能隨鶴，薄味從來不  
為魚。未卜西遊時遠近，道成相問定何如。

送陳彥恂北上兼簡李奇卿學士

天末脩、起昼舲，離歌清切也堪聽。十年夜雨頭垂  
白，萬里春風草又青。莫戀臯比專尊席，終須豸角瑞  
堯庭。平生短李江南傑，今作文昌第幾星。  
於杭州九月送袁太初赴寧海教官



憐君跋涉走風沙九月江城飛雪花黃蝶終歸穿硯  
手青藜曾照聚書家吟圓坐石題山葉講退登樓看  
海槎年少交遊渾好在何時相伴訪烟霞

次韻王監簿春前對雪之作

情懷朱厭日如年幻境先看海奕田梁苑貴遊圖畫  
裡山陰風致酒尊前蝦鬚簾濕閒春勝猊舌香濃凝  
午烟肯信高人有高臥硯頭新泊釣魚舡

陳秀才問詩於余次韻贈之

叔壹

秋半說詩秋又闌覓從忘處更哦看不妨味熟心自  
悟祇恐業成身轉寒竅木野風天倡和崩溪恠石鬼

鐫刊板君更上最高頂莫羨千金遊水鞍

次韻答胡山甫兼簡汪日賓

白髮詩翁南峽居肯來典子不相踈久知諸老難折  
簡端為此家多貯書談吐清無涉俗處容顏衰似避  
兵初溪梁一別還經歲接得新詩錦不如

二

亂後交朋星散居如君那得易親踈耐多但有客滿  
座忙絕不令見廢書萬里山河蓬髮底一春風雨杏  
花初開身共遜耽詩老野服枯藤得自如

寄袁李厚

莫笑衰顏老刺翁  
凶年過徹賸頑窮  
坐窓漸愛日南至  
行路不愁天北風  
清話客多無酒款  
白頭交在有書通  
問知別野林泉美  
一策一簷吾欲東

挽舒君實

名襟号亦山

玉比清癯鶴比羸  
相看中路忽相遺  
詩才萬斛難供歎  
藥論千廂不起衰  
定有意遊輕竹屐  
猶餘手剪碎松枝  
南山下徘徊處  
曾指佳城示阿宜

感事

死生契濶強兄弟  
南北分張好友朋  
戰國幾人成漢鬼  
劫灰今日信胡僧  
翰林身後詩千首  
工部兵前米

五升山路陰寒  
魚雁少  
舊遊何處寄  
檝藤

夢覺

夢覺依然一草寮  
浮踪已慣任飄搖  
虛簷晴氣生朝露  
遠樹寒聲過夜潮  
白骨又驚山外滿  
朱顏剛向客中消  
時平不愛通侯印  
且願深林作老樵

黎州山下有坡曰響地  
平黎州自孫興公徑始  
至今有祠其上

蒼茫一片莓苔地  
隨意觸來還有聲  
定是戰坑餘箭戟  
不然琴屋貯瓶罌  
名真過客多能記  
跡古居人不  
敢畊  
孫叟有柔應索笑  
賦成留此試鏗錚



寄趙子昂濟南

濟南官府最風流，問是山東第一州。  
戶版自多無訟獄，儒冠相應有賓游。  
秋風魚酒黃梁市，夜月笙歌畫舫舟。  
行樂使君詩筆後，一篇須寄刺溪頭。

陳無逸張仲實皆授徒城中相望遺悶小詩往問

閒身不用苦咨嗟，隨分風流閱歲華。  
白日垂簾同賣卜，清流岸幘勝趨衙。  
飛書漆槩詩無草，夾註高齋眼未花。  
更喜芳鄰連二妙，時時衿佩問東家。

蔚師見示方使君唱酬詩次韻

長汀江上別多時，白髮閒身天所遺。  
避俗如仇翻好客，知窮為祟却耽詩。  
鄉山雲淡龍移久，湖寺春寒鶴下遲。  
遇盡梅栢典甜笋，高候還許放侯知。

次韻如晦木犀回寄其從父性之老同舍

詩力如弓不易張，煩襟且覺對花涼。  
玲瓏南雪晴秋樹，浙窳西風夜月香。  
消得玉人歌古淡，許誰金屋闥清狂。  
風流更憶同袍老，一塢閒雲傍水鄉。

徐都目之官奉化

小壘飛書定不難，十年清苦舊儒官。  
黃蘆日轉山衙靜，彩筆春消海驛寒。  
坂馬易勞須緩聘，潮魚雖美莫

多食人來肯寄平安不茅屋三間傍剡灘

次韻和蔚師鑑師春懷

愁是雲陰喜是晴春遊何處不閑情黃難亭飯琴三  
弄青果杯盤酒數行滿砌雨添新筍密隔牆風送落  
花輕鑑湖、上樵山老破帽枯蓑過一生

次韻王景陽寄軒

江湖猶覺氣橫行羽褐藤冠學養生肘掣累輕天典  
福斯心戒重鬼司盟收行耕稼閒勲業別有吟哦好  
性情祇恐蹊成似桃李人來先識隱居名

白岩山

漠、溪風吹路塵白岩山下幾窮身秋深竹色老於  
樹畫靜鳥羣喧勝人何處人家藏剡錄有時行客裹  
唐中平生咲殺朱翁子剛為乘車棄負薪

送柯以善自杭遊鄂

江漢天風日夜清君遊何處濯塵纓雲從鸚鵡洲前  
出月在鳳皇山上明已羨徑蘿吳士艷行看詞筆楚  
人驚殘蕞賸並將何用歸日分張典後生

讀福建廉訪輔大使弼字正匡遺事

臬官難稱是閩中遺愛堂、得此公姓字丹青太史  
筆歲時蘆豆素王宮一生薑桂那時辣百折江湖必



向東從古仁賢有家世名郎臺閣已生風

客京口

酒醞花穠鼓聒天百年成此好山川黃煙暮接淮南  
火白米秋攢浙右舡碑古猶多埋鶴寺田高耕遍卧  
牛阡陳蹤興廢何繇問只憶風流老米顛

金陵贈友

虎變龍遷此一時春風得似舊城池官閑軍賣偷來  
果寺廢僧尋斷去碑水魚肥供白鮓家蚕熟衣  
紅絲太平尚屬窮詩客酒賤如泥醉不知

湖山村

老去生涯學釣魚溪山忽憶似湘湖風林四畔動竿  
琴烟雨一篇行昼圈小市篝明治郭索平園棚樹備  
於菟偶然得住何妨住是處人間足畏塗

己卯歲初葺剝居

休言声迹轉沉淪百折江湖亂後身窮未賣書留教  
子飢寧食粥省求人坐來齒避樵蘇長往處踪迷木  
石隣耆咲古來逃世者標名先製隱衣巾

耕桑

耕桑本是間居事學得耕桑事轉多失晒麥叢夏出  
蝶遲繅蚕繭怕生蛾調停寒暖春移苧偵候陰晴夏

插禾衣飯為誰忙不徹醉來乘興作勞歌

秋盡

秋盡空山無處尋西風吹入鬢華深十年世事同紈扇一夜交情到楮衾骨體如醫知冷熱詩多當曆記晴陰無聊最苦梧桐樹覺動江湖萬里心

王丞自鄆城歸又許入剡

江城醉別大匆：風雪家园一咲同儘健不妨天子老絕清那許鬼欺勞簡書異日關誰事灯火寒鄉賴此翁幾度丁寧鷄黍約掃闌拂榻誤兒童

壬午清明

鄆序愁中都忘却見人插柳是清明登陴戍出吹彈樂上塢船歸語咲聲解事濁醪相料理當擁團扇正施行悲歡寒暑君休問花鳥年年管送迎

寒食

寒食清明都過了故鄉風物祇依然窮中有客分青飯亂後誰墳掛白錢落兔暖春為夢地陰沉溽雨近梅天閑情正爾無歸宿石鼎新芽手自煎

無題

板屋驟喧飛白蟻紙窓欲雨暗蒼蠅長勞井臼慚妻子近絕音書惜友朋夜半苦吟堪泣鬼日高甘寢祇



翰僧意衰俗物何難敗敗才薄天公却未憎

奉題孫使君池館

白髮使君經世材儘閑猶解暢池臺雜花屏障四時  
有明月鏡奩三面開各坐山隨人意看正吟風連鳥  
聲來當年時雨堂前夢得似從容此一杯常州有時而雪

家西十里外芋洋小山中土塚累然初不封樹

鄉先生舒文靖公墓也

莫輕數尺黃泥壤埋却斯人後更無山上自難生毒  
草樹間長見聚慈烏樵耕可免憑鄉俗洒掃能來是  
學徒後有宣尼須痛惜待將墓額寫嗚呼

戊子歲晚贈應德茂

江海悠悠雪欲飛抱書空出又空歸沙頭人滿鷗應  
笑船上酒香魚正肥塵土竟成誰計是山林又悔一  
年非平生萬卷應夫子兩世知名窮布衣

寶山寺寒食次韻和閻翁

綠陰啼鳥春將老古寺垂楊日未西客子欲歸風滿  
袖桃花無語水流溪有人蔬筍忘飢渴何處松楸雜  
咲啼准擬一詩僧榻畔詩翁題後更誰題

戊子清明前陪王丞度新嶺

一百五日熟飡節七十二曲下山坡寒暄相逢舊人

少風雨欲尽新林多青岩不辭掛春霽白鳥何處生  
滄波泥塗同興不同調我懶且休君更歌

同陳養晦兵後過邑

搜山馬退餘春草避人世歸起夏蚕破屋烟沙飛  
颯遺民鬚髮雪髯，青山幾處楊梅塢白酒誰家榨  
柳潭休學丁仙迤邐左聊同庾老賦江南

送人遊霞嶼

霞嶼風烟接渺漠老仙萬鍾啟林高峰前鴈起湖雲  
淨池面龍來海雨醒醒閱世僧閒頭黑白遊山客爽白  
丹青何緣飛去清源因雨夜偷，著翅翎

己丑正月六日袁季源家遭燬次韻書悶

鄴侯家裡書千架杜老樽前屋萬間此事吾堪慰流  
落迹來天六拓空閒及風待禱真虛語驪兩無方自  
厚顏聞挈殘家過西塢風流端許幾生還

正仲今年勤城之約不就六次韻慰悅之

莫恠詩翁不出山詩多那得是山間清溪欲煖鶯啼  
樹白日無人犬卧閑不惜野花簪素髮時憑春酒轉  
朱顏當年阮籍何曾達直到途窮始哭還

送于知州

居官难得是全名于守年多政轉清身為素王扶墜



戶手提赤子出饑坑使來公館文書簡吏退私齋几  
硯橫似此雍容好風度天邊看著綉衣行

壬午六月八日書懷

懷人故國鱗鴻絕避地春園草樹長四壁空存醫俗  
具千金難售賣歎方共兒坐誦脩真語有客行歌銜  
楚裝昨夜見花搖作夢南風吹海白茫茫

杖錫寺

仙草漫、路不分鍾魚那許外間聞涼天九月已飛  
雪晴日西山猶帶雲火後客誇新屋樣兵前僧惜舊  
碑文藤湖只去招提頂見說澆田可種耘

四明山中逢晴

一岡一澗一縈隈新歲新晴始此迴莎坂南風寅恰  
出茅簷西日一禽來人迷白路羊群石水掩青天雪  
裡雷猶是深山有寒食梨花無數遠岩開

魏文節公墓

萬騎南來駐不留衣冠容此鎮林丘寒岩碎裂從中  
起亂水喧鳴竟獨流故物今惟存寓馬當年誰為指  
眠牛墳倚小寺終村朴畫柱紗龕護冕旒

辛亥歲七夕醉陪諸公登西湖竹閣

畫鷁凌風汗漫遊雨聲飛出萬山頭江湖望澗邊城

起吳越音多客思柔野樹有枝猶繫馬官荷無葉可  
藏鷗十年浪走紅塵道今日登臨始識秋

蔡輿食藕

地逢平處亦縈迴不是逃兵底肯來坡上一祠猶姓  
蔡山前當路盡通台高岩童去收桐子鄰縣人過問  
藕栽忽見深衣老儒者清時不信少遺材

辛巳歲六月三日書事

急報傳來又不真迎門翁稚咲聲頻情懷經苦思平  
世顏貌緣愁似老人兵後尚多難料事山中誰是自  
繇身沙瓶酒駸鮭蔬有領取燈花一樹春

耕休

耕休何處散煩勞東隸西梁信所遭溪水清、照魚  
影山風細、落松毛無名野草疑皆藥有韻村謠例  
近騷稽古祇堪農圃用莫將車馬誤兒曹

奮齋次韻

貧賤知心老弟兄祇疑相得似前生避窮無地猶貪  
學起謗如天底用名兵後脫身宜共惜書中薄業尚  
堪耕殷勤預約頻、見未見亦須頻寄聲

保福寺

漫天蘿蔓斷追尋猶有人嫌未苦深屋古滲當風雨



氣僧馴化得虎狼心松花畫煖蜂科窠梅子春殘鳥  
戀陰不應初來便忘去身閒處、是山林

張景忠季正之平江

江南最好說蘇州傍得閑官也自縣市舍酒香春四  
坐湖田租熟雪千舟歌成爛熳烏絲寫意到縈行畫  
鷁游我亦少年心性在徑從準擬作遨頭

鮮于伯幾家釣臺石

人間岩石亂紛紛羨子臺名最喜聞何術縮渠千里  
脉有人分得兩峯雲天邊路遠星還動江上潮回日  
又曛解道泥塗等軒冕東西更有范希文

辛丑歲十一月二十六日東歸舟中示三子

勸物悠、不負公江行三日雪花風雲侵賀監山亭  
白日在徐仙海島紅自咲得雖如病鶴也思結伴附  
歸鴻何時辨得村田活糲飯魚羹百指同

歸自西關有作簡余率公鈇使

白髮微官小祝同也隨年少踏春風鄉心幾夜馬生  
角世味一時龜脫筒紅旆成樓花整、綠莎溪路水  
茸、歸來健羨余公子卷帙如山一覽空

貴溪董教諭回里

八月暄、似小春鄞江歸客楚江濱夢中鱸膾紫蓴

兼盡裡行袍烏角巾不枉誇張別風土有時吟嘯雜  
仙真年高官滿身輕健聊復婆娑亦可人

陳無逸教諭赴攸州

白露西風湘水清蒼霞南岳晚天明離家休說三千  
里行道新看第一程橘味熟來思母遺草名疑處教  
兒評人生誰是安居者早拾貂蟬映父兄

周東鄉戴酒水溪上回遊岳祠醉作

葫蘆城下草平沙狼牙峰前溪吐花晴日路塵清野  
馬空林人語亂神鴉餘思大甕生燒笋渴愛山爐熟  
煮茶投老遠遊何所惜為君歡坐岸烏紗

次韻東魯省游石龜山

一舸悠悠醉又醒溪山無語意分明龜身何日化蒼  
石鶴背有人游紫清百榼須空看少俊千金難買是  
春晴筵端宋玉尤驂絕游戲長歌復短行

寄趙子昂

溪上輕雲去若飛花間密石靜相依遲行自羨款段  
馬雜坐誰嗔短後衣江海於人元不薄風流如此欲  
安歸集賢學士吾兄弟近日音書亦較稀

亡友內翰趙公晦叔哀詩

振鷺庭中釘坐身行藏空寄輦蒲輪土來鬼泣荆山



璞獵羅人驚魯外麟死肯扣閭挑貴俸貧猶傾素施  
鄉親平生一、明經拙雋永依然世澤新

次韻答貴白

斗粟千錢不易酬海風吹斷寄詩郵誰家盛設蟹黃  
餅有客翻披狐白裘春樹自隨冬樹老官河長挾野  
河流隔生兄弟何須說來作城南十日遊

清華堂

人生隨分有清華萬竹岡頭第一家  
瓦甍水溫初荇葉粉墻風細款梨花  
衣冠蒼皓迎如畫紺素朱黃積  
滿車從此儒林添膾炙老夫先借小詩誇

陸君采都日入閩

趨閩漸近解閩吟公子來時夏款深  
捲地翠棚榕樹驛漫天紅錦荔枝林  
官庖售永多珍贍野語啁嘲有  
怪禽風物自佳難逗留游江歸棹待相尋

亞尹黃候慮因漫處婺三州

金華環秀抵仙都鴈宕石門天下無  
眼見朱幡出雲霧手提丹筆洗焦枯  
海魚味爽休多食嶺馬程艱合  
緩驅定有車前役贊者幅巾麻褐是真儒

簡湯及翁

六十三翁尚美髯今年添盡白髭  
心如晚路思家

馬身似春筍欲繭蚕無事官曹容岸憤有時書帙當  
清談風情最若湯公子家世衣冠舊汝南

舒子俊見過

來往通家不厭頻青山心性白雲身陰林石溜風傳  
語霜月溪梁水寫真歲陰魚鮭難猝致天寒烏鳥自  
相親燎爐薪煖糟床響隨分歡留作好春

以家事付諸兒惟不得姑蘇陸氏女子消息

祇憐地僻少過從更許年衰養惰慵行健有時尋近  
局起遲常日到高春鹿皮冠野頻戴鷲頂蔬粗款  
款供兒女團栾俱在眼獨憐無信過吳松

江海

江海三秋古鄆城山林百拙剡溪生歸來鄉國方為  
客絕盡交遊更畏名白帽管寧形態醜黃金季布語  
言輕荒齋竟日無人事自作長歌寄好声

兵後復還白岩山所作

脫命歸來意恍然餘生堪喜亦堪憐財逢乱世真如  
土人到窮途始信天問訊比鄰晡爨後呻吟兒女夜  
燈前明朝又作安西計飯後誰家沁雪田

勤塘田家

徑秋心事轉衰顏客舍山村病眼開識路牛羊綠坂



過通家燕雀下簷來  
飢從野榼分蔬飯  
渴指鄰甯賞  
黍醅世事百年誰較是  
髯公鼻息昼如雷

江村遇九日

去年九月江城角  
尚得臨風把一杯  
今歲併無黃菊  
看誰家更遣白衣來  
身猶是雁飛難泊時  
不如潮去  
解回還有南山會  
人意晚舟相對碧崔嵬

再寄曹居士

江海悠悠不為名  
年深識盡世間情  
於人有信惟潮  
候去處無嗔是鵲聲  
新款收書添累重  
舊曾學劍向  
財輕如何此日投閑迹  
又結精廬傍古城

兵後見三江口木芙蓉盛開

江上秋花無數生  
紅、白、照江明  
當年菘苑看曾  
厭今日荒村望  
忽驚泣雨羈臣愁  
去闕歌風艷  
女惜  
傾城蕭條歎別那  
拚得移向東籬  
配菊英

游西峯余見時讀書其旁

山迴水抱西峯寺  
二十年前日、來一出  
居然負丘  
壑深藏還此遠  
風埃農樵識面逢  
多問魚鳥知心見  
不猜家世剡人須  
住剡相尋未識百千回

鮚鯨唐鄉貢丈置酒悟空寺見款

南宮通籍唐先輩  
白髮天寒海上洲  
吾鼎已推華屋

夢一樽猶及少年遊  
桃源有吏今安避  
銅雀何人死  
六休祇羨龍鍾老  
禪伯倚欄無語看沙鷗

調貴白

客裏光陰取次休  
嫩寒一夜襲衣裘  
不須多畏趙盾  
日正好深悲  
宋玉秋紅葉  
舊題猶在手  
黃梁新夢又  
從頭餘糧  
栖畝猶圍坐  
此事輸君第幾籌

五排

排律十七韻賀阮侯伯子

芳城春樹晚清海  
月弦初瑞出三神  
息光纏五馬車  
眼中新鸞鷲膝下  
小璠璣錦褱看爭羨  
犀顱盡不如  
試啼賓錯愕  
獻夢媪勤渠  
庭舞張公鶴  
門填孔氏魚  
一時官府慶  
數世甲科儲  
聞說衣冠里  
高增祭戟間  
民隨阮公姓  
鄰禁宛溪魚  
東去龜浮印  
南遊雉遠車  
陰移棠蒂  
騎擁竹舒  
政有兒童  
恋謠聽父老  
餘攢眉詢賦額  
正色署刑書  
暗室天如鏡  
心田老自奮  
看騎金腰  
裏待弄玉  
蟾蜍我欲歌  
三賈誰能說  
兩徐



先隨湯餅祝聊當賀錢醪

五絕

班婕妤題扇圖

時情任銷歇閨思轉慙慙也勝山陰媪揮毫託右軍

六絕

子昂秋林行客圖

石稜々而白出樹梢々以紅披嗟縞衣之嘉客方策  
蹇以何之

五雜俎

五雜俎花金綾往復來官路程不獲已始歸耕  
五雜俎斑斕衣往復來反哺兒不獲已為人師

七絕

張騫乘槎圖

數尺枯槎底易騎海風吹浪白  
淞、如今市上君平少曾到天河也  
不知

呂氏六桂堂

年少奔馳有底忙棘闈蘭署夢  
茫、白頭鞍馬風沙裡聽說燕山  
六桂堂

周秀子惠猫

狸兒輕捷豹兒班作勢擒生也  
不難漸覺形神欲相賀青奴黃姝  
夜平安



汪濟秀才飯牛稿

冰雪玲瓏汪太中吟詩十葉有家風天寒日暮江東  
道逢此顰呻牛口翁

蘇李圖

塞北中郎雪滿頭隴西壯士淚沾裘人生百歲能多  
少直此如今說未休

玄廟二道士俱以酒死

張髯好客月千壺余吃清貧逐斗沽二子若逢仙讌  
會化成一對酒葫蘆

湖州

山從天目成羣出水傍太湖分港流行遍江南清麗  
地人生只合住湖州

二

一飽懸天不待求幾人乾白少年頭君看滾滾東流  
水到海成淵始懶流

百鷺圖 題陳汝朝

葉折荷枯可奈何西風吹影淨婆婆微君作此超搖  
趣一箇江天也厭多

曰營張村壘寓并書所見

老子來無一把茅居然得此好窪坳開塘謹避蛟龍

窟伐樹須存鳥鵲巢

二

頭白西來不買田時、却費買小錢一丘一壑吾歸  
矣待得田多是幾年

三

男兒三十氣吞牛漏盡鍾鳴走未休不問征西并處  
士山中一樣土饅頭

百雁圖

近看分明遠欲無水天空濶好江湖幸然不入虞人  
眼又被閭中畫作番

題番陽徐氏雙頭牡丹圖

天公幻化不經意雙萼忽然枝葉同一似人間好兄  
弟朱鞞錦纜踏春風

陳公哲梅花百詠

梅下故人呼不應石橋溪寺水冷、回頭聽得陳驚  
坐一似春衣吹夢醒

二

雪後西湖空碧波酒徒消散也無多白頭醒眼春風  
裡柰此梅花百詠何

張道士求檀林詩



地移淮橘多成枳人說江梅竟是柟蜀木似橙成底  
用盛將名字落江南

酬陳秀才

一春一百二十日日開眉得幾人真與破除風雨  
去今年渾似不添春

賦董氏双歧竹

山庄一對青玉瀟洒天然同幹生說與人間好兒  
弟時來林下聽風聲

讀書有感

魯女悲嗟起夜深當年枉却淚沾襟如今已免鄰人

笑老大知無欲嫁心

二

竊愛徐生苦避秦海天東去不通津絕知勝似桃源  
境男女同行五百人

題子昂照夜白

風前新鮮錦鞍韉雪色模糊霧色寒此物人間無處  
着千金祇得畫圖看

題蘇白泣別圖二首

弓痕矢盡三千里節弊衣穿十九年流落天涯有離  
別當時誰擬益菑傳

沙雲如雪，如塵握手相看語，真多少世間無淚  
面一生錯笑隴西人

馬浩秀才携秋日海棠詩見過

山城八月有春風一樹嫣紅淡又穠縱使失時無態  
度也勝茉莉與芙蓉

奉化城西三溪口

青林白石三溪口班笋黃梅四月頭正好清遊誰懶  
得幸無公事且歸休

題趙子昂壘岫圖

百折雲巔路徑通無名恠木淡書空相逢無問秋江

客不是巴中是剡中

二

白石青林底處無侵雲亦有小屠蘇橘花飛盡不歸  
去揮汗江城看畫圖

九月西城無澗同陳道士衡上人

仙翁面帶江海色釋子口融冰雪漿同是西風未歸  
客燒香煮茗作重陽

二

中衣三客不須同泉石相看我亦翁竄惜一軒秋欄  
慢芙蓉池上木犀風



西興馬上

去時風雨客匆匆，歸路霜晴水樹紅。  
一抹淡山天上，下馬蹄新出浪花中。

贈屋西小陳秀才

名公凱，余字以無過。

年少飢寒不足憂，咲談有味自風流。  
等閑輟贈兩兔，頽待看脩成五鳳樓。

二

毛錐自是今無用，鉄硯還知古可穿。  
不惜日抄三萬字，勝儲百畝剡中田。

蝴蝶

春山處、客思家淡日村烟，酒旆斜胡蝶不知人事。  
別繞簷間弄紫藤花。

夢中作

晴霞冠領朝紅潔，新漲連空晚綠酣。  
惆悵春風倦游，夢木闌亭上望淮南。

入杭

曾江白酒樊紅飯處，當年客似家垂老重來舊相識。  
識春風只有野桃花。

題東玉師府所藏瀟湘圖

少年寃夢底曾聞，多在江湖烟水間。  
今日精藍方丈。

地倚窓眠看洞庭山

灼艾戲呈阮使君

鬢毛秋後轉漂零  
愁坐窮簷展灸經  
得似畫堂歌吹裡  
疏黃鍾乳按娉婷

水墨梅花

江海歸來見似人  
離披猶自少風塵  
何如淡月山莊夜  
百幅清溪亂寫真

贈陸相師

江南江北路漫漫  
七十九翁能往還  
今代貴人容易識  
卧龍不在草廬間

題伏生授書圖

白頭不死見時清  
子女相依解授經  
何用生男作晁錯  
乃翁一語不曾聽

題江干初雪圖

斷樹寒雲古岸隈  
漁翁新撥小舡開  
看渠風雪忙如許  
還有魚兒上釣來

銅山寺口初見梅花書寄何則顏二首

吳歌楚舞送年華  
憶著終還不似家  
今日春風吹楚醒  
銅山寺口見梅花

沙跡石瘦水涓涓  
折得梅花費兩年  
更與何人說滿



洒香中行坐水中眠

戊戌清明杭邸坐雪

思鄉處、只愁生正好春遊又不晴雪是梨花雪是  
柳馬婆巷口過清明

四明山中十絕

楓樹坑

鴈飛不斷楚天長雲路霜林級、黃何處人烟有墟  
落北風高隴散牛羊

茶焙

山深不見焙茶人霜目清妍樹、春筍有風情是茗

水味甘如乳色如銀

大小橫山

小橫欲盡大橫來萬壑千岩洶湧開闡道洞天深幾  
許紫雲深處有樓臺

北溪

乱雲穿盡得平蕪一段冰寒碧玉壺猶是春風未相  
棄山前吹長萬龍湏

韓采岩

洞深烟樹碧氤氳只采靈苗不采薪問者蹤跡多懶  
說相逢莫有姓韓人

莽廣溪

怪石驚湍吼不休時時岩客飲寒牛誰知此水明州  
去浸作琉璃萬頃秋

木蘭

七里黃泥紅樹岡西風果熟一村香居人只道山深  
好三百年來是戰場

仙山

仙在人間不易尋當時已道是小深可憐華表標題  
處夜猿啼楓樹林

羊額嶺

兩頰稜額下分更無均處可藏雲西風怕奪行人  
眼舊麥滿山鋪錦雲

白水

劉郎一去杳無蹤水白山青只故宮欲問岩前老松  
樹人間禁得幾秋風

瑞上人求詩

寶葉山中源悟師布衲百結面如癡十年相憶忽在  
眼談笑甚似仍耽詩

二

源公作詩可憐生亦有謾山林聲見說丰姿委鍊



素霜頰貨頂照人明

茅齋

紅杏園林雨過花遠  
陂深草亂鳴蛙  
春風不問茅齋  
小自向堦前長筍芽

感舊歌者

牡丹紅豆艷  
春天檀板朱絲錦  
色箋頭白江南一尊  
酒無人知是李龜年

蕭照春江烟雨菴

波痕如樹、如烟  
更是春陰小  
雨天何處得魚何處  
醉筍皮蓬底解蓑眠

西塞山圖

空中生業寄漁蓑  
雲是親情水是家  
便有縱由無覓  
處春風岸、野桃花

李元中秀才歲晚游諸公間

愁中待醉何曾醉  
夢裡還家不是家  
翰典小行窮學  
究一節一笠看梅花

丙午清明日青塘道中

三里五里沙路平  
一番兩番溪雨聲  
無奈春風動人  
處紫荊青李滿林生

桃花寺石臺

臺前藤蘚碧交加  
臺下清流直又斜  
待得丹成知幾日  
春風隨分野桃花

有人示山水畫卷以為元暉作求詩

硯山之下小於菟  
文彩爛班今亦無  
一場亂雲濃似漆  
春風吹夢過西湖

題孟浩然霜曉吟行圖

霜風颯颯攬吟鞍  
童怖驢愁作許難  
便使玉堂遭遇去  
朝參更是五更寒

荀陳聚星圖

州里相過未厭頻  
居然踪跡動星辰  
當時多少輝煌

者不畫諸公益此人

梁楷畫雪塞游騎圖

聳脰攢蹄一駐鞍  
羶衣韋帽白漫漫  
祇應田舍騎牛者  
無此風沙踏雪寒

過姑蘇

水天彌望接青蕪  
雲氣漫漫近又無  
一色好風三百里  
挂帆安坐過姑蘇

五雲山圖

子昂為戚氏作

林廬深插紫孱顏  
一箇漁舟帶暝還  
但得身閒無俯仰  
人間處處五雲山



雨中過泉教張子開名先遇

平生剗夢十八九短策還經靜者居一曲好溪山起處數声踈雨雪來初

二

衣冠顛倒君休恠筋力過從我有餘却笑秋風洛陽掾得歸猶望食鱸魚

次韻答鄰友近况六首

十百琅玕接屋小麥花淡白菜花班林園富貴誰消得更看溪南墨牡丹

二

炊成日影三竿直睡起溪流一尺高懵懂不知何歲月山風吹白鏡中毛

三

祝鷄歸後放牛初小立溪梁看打魚漸喜村鄰尽相識向來朋舊却無書

四

剗源田舍誰能識只此桃源有路通草長岸漫漁塹北月明人語紙槽東

五

三間瓦屋數弓園旋學桑麻又一年村酒沾唇頻得

醉山歌出口即成篇

六

舍南舍北種田郎唱得田歌曲，長莫學傍村遊俠  
輩。蓋紅抹額臂，辭蒼

送陳養晦謁閻風舒先生四首

嚼雪飡冰二十年，空山日月自風烟。從君識盡搜詩  
法，不透薌岩不是仙。薌岩山名

二

大篇無法須自悟，小語有益最難尋。祇今人嫌此老  
謹，後來追憶直千金。

三

大冠襜袂走紛紛，對面可容三斗塵。便令眼識天下  
士，此子已勝尋常人。

四

無詩莫入閻風里，到却閻風那有詩。拾取松風作新  
曲，歸來時向夢中吹。

同曹泰宇賦宝化鳳花二首 曹名說字習之

花開難得年々看，住近須還日々來。古壁危闌自顏  
色，不煩高築鳳皇臺。

二



鳳皇不出幾何年  
莫恠山花惜杜鵑  
一樣春風好  
毛羽回頭曾管蜀山川  
鳳以杜鵑花為之

過鄧山祠塾作

滄江城濶三义路  
白日絃歌數畝宮  
猶有祠前舊楊柳  
向人離立管春風

題趙大年蘆雁

寒更索索警霜叢  
兄弟當年意自同  
猶是江湖太平處  
未妨沈著卧秋風

謝隣友陳仲學秀才惠土苧苗二首

芳州杜若自堪羞  
沛国青黏点懶求  
那似一叢蒼鳳尾

尾等閒收味古  
莖甌

二

君家自有頭風藥  
種在青々竹素園  
此物但堪供暑啜  
肯來相就發清言

此用教坊州方杜若事  
改名得名不新  
荔枝也







